



An tÚdarás Pinsean
The Pensions Authority

TUARASCÁIL BHLIANTÚIL AGUS CUNTAIS AN ÚDARÁIS PINSEAN, 2024

www.pensionsauthority.ie

CLÁR NA NÁBHAR

Ráiteas an Chathaoirligh.....	2
An tÚdarás Pinsean	4
Cuspóirí an Údaráis a chomhlíonadh	5
Forbairt beartais	7
Faisnéis tacaíochta agus treoir	8
Tuairisciú riachtanach	8
Coiste an Údaráis.....	10
Na ráitis airgeadais don bhliain dar críoch an 31 Nollaig 2024	
Ráiteas Rialachais agus Tuarascáil chomhaltaí an Údaráis.....	12
Ráiteas maidir le rialú inmheánach.....	18
Tuairisc an Ard-Reachtair Cuntas agus Ciste	20
Aguisín leis an tuarascáil	22
Ráiteas ar ioncam agus caiteachas agus ar chúlchistí ioncaim coinnithe.....	23
Ráiteas ar ioncam cuimsitheach	24
Ráiteas ar an staid airgeadais	25
Ráiteas ar shreafaí airgid	26
Nótaí a ghabhann leis na ráitis airgeadais	27



RÁITEAS AN CHATHAOIRLIGH

Is mór agam tuarascáil bhliantúil agus cuntais an Údaráis Pinsean (an tÚdarás) a chur i láthair don bhliain dar críoch an 31 Nollaig 2024 de réir Alt 23(2) d'Acht na bPinsean, 1990, arna leasú (an tAcht).

Déanann an tÚdarás scéimeanna pinsin ceirde agus cuntais coigiltis scoir phearsanta a rialáil in Éirinn. Ina n-iomláine, is ionann iad sin agus €148 billiún measta de choigiltis scoir.

Straitéis an Údaráis Pinsean

I Ráiteas Straitéise an Údaráis, 2025 go 2029, leagtar amach ár bhfís, ár misean agus ár luachanna, chomh maith leis na straitéisí ardleibhéil a bheidh mar bhonn taca lenár gcuid oibre sna cúig bliana amach romhainn. Tá an straitéis le fáil ar ár láithreán gréasáin.

Is é an cuspóir fadtéarmach atá fós ag gníomhaíochtaí maoirseachta, comhairleacha agus faisnéise an Údaráis ná córas pinsean ina mbeidh coigilteas pinsin slán, dea-bhainistithe, éifeachtúil ó thaobh costas de agus intuigthe, agus ina spreagfar coigilteas pinsin. Tá straitéis 2025-2029 i gcomhréir leis an straitéis roimhe seo agus béim á cur aici ar mhaoirseacht rioscabhunaithe réamhbhreathnaitheach, agus ar an tábhacht a bhaineann leis an líon scéimeanna pinsin a laghdú chun maoirseacht éifeachtach, rialachas láidir agus luach maith do na baill a chinntiú. Is cuid bhunriachtanach de mhaoirseacht rioscabhunaithe iad sonraí cuimsitheacha, ionas gur féidir leis an Údarás rioscaí a d'fhéadfadh teacht chun cinn a shainaithint agus beart iomchuí a dhéanamh.

Scéimeanna pinsin baill aonair

Tá na mílte scéim pinsin baill aonair cláraithe leis an Údarás a rachaidh a maolú ar na hoibleagáidí i dTreoir IORP II in éag taobh istigh de bhliain. Ní dócha go mbeidh sé barainneach d'fhormhór na scéimeanna sin na bearta rialachais a theastaíonn le bheith comhlíontach a chur i bhfeidhm, agus dá bhrí sin, is é an rogha is réadúla atá acu ná aistriú ina PRSA nó ina oll-iontaobhas ilfhostóra.

Cé go bhfuil dul chun cinn maith déanta go dtí seo chun na scéimeanna sin a réiteach, tá cuid mhaith fós le déanamh agus is ábhar imní é sin don Údarás. Chomh luath agus a rachaidh an maolú in éag i mí Aibreáin 2026, beidh ar an Údarás machnamh a dhéanamh ar cibé an mbeidh sé iomchuí gníomhartha forfheidhmithe a dhéanamh.

Reachtaíocht

Fáiltímid roimh mholtaí an Aire Coimirce Sóisialaí chun reachtaíocht maidir le pinsin a thabhairt isteach go luath. Go háirithe, leis na moltaí maidir le córas údaraithe do scéimeanna pinsin, cuirfear ar ár gcumas an córas maoirseachta a dhéanamh níos solúbtha agus níos freagrúla d'fhorbairtí in earnáil na bpinsean.

An Eoraip

Tharla na forbairtí a rinneadh le déanaí ar phinsin in Éirinn go príomha mar thoradh ar chur i bhfeidhm rialachán agus treoracha ón Aontas Eorpach. Tá forbairtí Eorpacha den sórt sin á gcur i bhfeidhm, níos mó agus níos mó, maidir le gach institiúid airgeadais agus ní bhaineann siad go sonrach le hearnáil na bpinsean: is léiriú é sin ar an dearcadh go bhfuil daoine a chuireann airgead ar

leataobh don tréimhse scoir i dteideal an chosaint agus an mhaoirseacht chéanna a fhaigheann coigilteoirí eile. Mar sin féin, is é an toradh ar an timpeallacht seo atá ag éirí níos casta an t-am ar fad go bhfuil níos mó ama agus gairmiúlachta ag teastáil do bhainistiú agus riar pinsean, agus leanfar den treocht seo agus léireofar í in ionchais mhaoirseachta.

Rialachas

In 2024, bhí os cionn 90 ball foirne ag an Údarás agus ioncam €12.3 milliún ó tháillí. Le linn 2024, rinneadh athruithe tábhachtacha ar struchtúr na heagraíochta chun an acmhainneacht bainistíochta a fheabhsú agus chun cumais mhaoirseachta a mhéadú. Is eol dom féin agus do chomhaltaí eile an Údaráis go bhfuilimid freagrach as a chinntiú go bhfuil an eagraíocht chomh éifeachtach agus chomh éifeachtúil agus is féidir agus go gcuireann sí luach maith ar airgead ar fáil. Leagtar amach mionsonraí faoin gcaoi ar bainistíodh agus ar ritheadh an tÚdarás le linn 2024 sa tuarascáil bhlíantúil seo.

Tátal

Mar fhocal scoir, thar ceann na gcomhaltaí eile san Údarás agus thar mo cheann féin, ba mhaith liom buíochas a ghabháil leis an Aire agus leis na hoifigigh sa Roinn Coimirce Sóisialaí. Is mór againn an dlúthchaidreamh oibre atá againn leo agus an tacaíocht a thug siad i gcaitheamh na bliana.

Ba mhaith linn ár mbuíochas a ghabháil leis an Rialtóir Pinsean freisin, le foireann an Údaráis agus le comhaltaí an Choiste Iniúcháireachta agus Riosca as an obair chrua agus as a ngairmiúlacht le linn 2024.



An Dr David Begg
Cathaoirleach

AN TÚDARÁS PINSEAN

Comhlacht reachtúil is ea an tÚdarás, ar a bhfuil cathaoirleach neamhspleách arna cheapadh ag an Aire Coimirce Sóisialaí, agus beirt ghnáthchomhaltaí. Maireann téarma oifige comhalta den Údarás cúig bliana.

Is iad seo a leanas comhaltaí an Údaráis an 31 Lúnasa 2024:



An Dr David Begg
Cathaoirleach



Deirdre Shanley Uasal*
Rúnaí Cúnta,
An Roinn Coimirce Sóisialaí
(Ionadaí
an Aire
Coimirce Sóisialaí)



An tUasal Michael J. McGrath**
Rúnaí Cúnta
An Roinn Airgeadais
(Ionadaí an
Aire Airgeadais)

*D'éirigh Ciarán Lawler as a ról mar chomhalta den Údarás i Márta 2024. Ina áit anois mar ionadaí an Aire Coimirce Sóisialaí tá Deirdre Shanley, Rúnaí Cúnta, an Roinn Coimirce Sóisialaí.

**Ceapadh Michael McGrath arís i Márta 2024 mar ionadaí thar ceann an Aire Airgeadais.

Déantar an chinnteoireacht laethúil a tharmligean do bhaill foirne faoi mhaoirseacht ghníomhach an Údaráis. Is é seo a leanas foireann bainistíochta sinsearaí an Údaráis:



Brendan Kennedy
An Rialtóir Pinsean



Andrew Nugent
Stiúrthóir



John Gethin
Stiúrthóir



Pat O'Sullivan
Ceann na Maoirseachta
ar Scéimeanna le Sochar
Sainithe



Ger Clarke
Ceann na Maoirseachta ar
Oll-iontaobhais



Eoin Cassells
Ceann na
Maoirseachta ar
Scéimeanna le
Ranníocaíochta
Sainmhínithe



Mary Broderick
Ceann Beartais



P J Kelly
Ceann TF agus Sonraí



Lydia Leonard
Ceann Dlí



David Malone
Ceann Oibríochtaí

CUSPÓIRÍ AN ÚDARÁIS A CHOMHLÍONADH

Maoirseacht riosca-bhunaithe réamhbhreathnaitheach

Phléigh an tÚdarás le roinnt mhaith scéimeanna pinsean ceirde le linn na bliana agus modhanna éagsúla maoirseachta á n-úsáid aige, ina measc an próiseas athbhreithnithe maoirseachta, iniúchtaí agus athbhreithnithe deasc-bhunaithe, iarrataí ar shonraí agus cruinnithe rannpháirtíochta. Tá an Tuarascáil torthaí faoi ghníomaíochtaí maoirseachta 2024 foilsithe ar láithreán gréasáin an Údaráis.

Bhí cruinnithe rialta ag an Údarás leis na soláthraithe pinsean is mó chun monatóireacht a dhéanamh ar chomhdhlúthú scéimeanna agus chun aghaidh a thabhairt ar aon cheisteanna nó bacainní. Bhí cruinnithe ag an Údarás le soláthraithe beaga socruithe baill aonair maolaithe freisin lena chinntiú go raibh tús curtha acu lena gcuid próiseas le bheith comhlíontach nó comhdhlúthaithe roimh an spriocdháta do mhaolú, mí Aibreáin 2026. Leanfar leis an obair sin in 2025.

An próiseas athbhreithnithe maoirseachta (SRP)

Le hAlt 26J den Acht, ceanglaítear ar an Údarás athbhreithniú maoirseachta a dhéanamh ar na straitéisí, próis agus nósanna imeachta tuairiscithe arna mbunú ag iontaobhaithe scéimeanna pinsean. Is é is ábhar don athbhreithniú measúnú ag an Údarás ar chóras rialachais scéime, na rioscaí atá roimh an scéim agus cumas na n-iontaobhaithe na rioscaí sin a bhainistiú.

Chuir an tÚdarás tús lena chlár athbhreithnithe in 2024 nuair a roghnaíodh sé oll-iontaobhas, scéim mhór amháin le ranníocaíochtaí sainithe (DC) agus scéim mhór amháin le sochar sainithe (DB).

Beidh méadú mór ar an líon scéimeanna a roghnófar don SRP in 2025 agus ina dhiaidh sin. Tá sé i gceist ag an Údarás athbhreithniú a dhéanamh ar oll-iontaobhais gach trí bliana ar a laghad agus an SRP a chur i bhfeidhm maidir le scéimeanna eile sna blianta amach romhainn, ag féachaint do scála, cineál, méid agus castacht na scéimeanna sin.

Ar gach athbhreithniú a thabhairt chun críche, d'eisigh an tÚdarás litir le réamhthorthaí chuig iontaobhaithe gach scéime agus iarraidh ar na hiontaobhaithe freagra a thabhairt ar na torthaí. Eisíodh litir le torthaí deiridh tar éis bhreithniú a dhéanamh ar fhreagraí na n-iontaobhaithe. Sna cásanna inar sainaithníodh fadhbanna, chuir an tÚdarás clár monatóireachta i bhfeidhm lena chinntiú go dtabharfar aghaidh ar gach fadhb. Mura dtabharfar aghaidh ar na fadhbanna a sainaithníodh laistigh den chreat sonraithe, féadfaidh an tÚdarás smachtbhannaí a chur i bhfeidhm, lena

n-áirítear Fógraí Comhairleacha a fhorchur de réir Alt 26M den Acht.

Tugann na torthaí SRP maidir le holl-iontaobhais le tuiscint go bhfuil roinnt mhaith de cheanglais an Achta agus an Chóid Chleachtais d'iontaobhaithe á gcomhlíonadh ag na hiontaobhaithe. Mar sin féin, tá réimsí ann nach mór do na hiontaobhaithe breis airde a dhíriú orthu, mar a leagtar amach sa tuarascáil torthaí. Lena n-áirítear:

- Maoirseacht le déanamh ag iontaobhaithe ar sholáthraithe seirbhísí.
- Coinbhleachtaí leasa a bhainistiú.
- Droch-chaighdeán ar bheartais agus nósanna imeachta scéimeanna.
- An gá le roghanna cistí agus struchtúir gearrtha táillí a chúichíoriú.
- Luach ar airgead agus trédhearcacht ó thaobh costas a chinntiú.
- Éifeachtacht na cumarsáide idir baill agus fostóirí rannpháirteacha.
- Rannpháirtíocht iontaobhaithe sa chreat bainistithe riosca agus sa phróiseas féinmheasúnaithe riosca (ORA).

Tá coinne leis ag an Údarás go bpléifear le haon torthaí a eiseofar go tráthúil agus go bhforbróidh na hiontaobhaithe cur chuige rioscabhunaithe réamhbhreathnaitheach maidir leis an gcaoi a mbainistíodh siad scéimeanna, cur chuige a dhíreoidh ar leasanna na mball.

Clár rannpháirtíochta le holl-iontaobhais

Thionóil an tÚdarás cruinnithe rannpháirtíochta le gach bord oll-iontaobhais in 2024, mar chuid den SRP nó mar chruinnithe rannpháirtíochta neamhspleácha. Díríodh ar bhainistiú rioscaí i bpríomhréimsí ag na cruinnithe rannpháirtíochta nár bhain le SRP a tionóladh in 2024.

Thionóil an tÚdarás cruinniú comhchomhairle le cathaoirligh neamhspleácha oll-iontaobhas faoi thosaíochtaí agus príomhábhair imní d'oll-iontaobhais in 2024.

Bhailigh an tÚdarás sonraí faoi oll-iontaobhais i rith 2024, sonraí a thug siad faisnéis ábhartha agus cothrom le dáta faoi scála agus fás oll-iontaobhas.

Tugann an tÚdarás dá aire go bhfuil tús á chur ag roinnt mhaith oll-iontaobhas leis an bpróiseas chun

roghanna cistí agus struchtúir leagáide gearrtha táillí a chuíchóiriú, i ndiaidh do roinnt mhaith scéimeanna neamhspleácha aistriú ina n-oll-iontaobhais. Measann an tÚdarás go bhfuil an próiseas seo bunriachtanach chun éifeachtúlachtaí agus luach níos fearr ar airgead a bhaint amach do na baill. Mar sin féin, tá dul chun cinn an-teoranta déanta ag roinnt scéimeanna maidir leis sin agus tá sé i gceist ag an Údarás leanúint ar aghaidh ag déanamh monatóireachta ar an dul chun cinn sa réimse sin in 2025.

Clár rannpháirtíochta sa scéim le sochar sainithe agus sa scéim le ranníocaíocht shainithe

Bhuail an tÚdarás le boird iontaobhaithe thrí scéim mhóra le sochar sainithe agus thrí scéim mhóra le ranníocaíocht shainithe le linn 2024. Dhírigh an rannpháirtíocht sna scéimeanna sin ar an mbord iontaobhaithe ag taispeáint go bhfuil córas rialachais éifeachtach i bhfeidhm acu dá scéim agus go bhfuil sé ar a gcumas riosca a bhainistiú. Bhí an tÚdarás sásta, den chuid is mó, go raibh córas rialachais éifeachtach i bhfeidhm ag na boird iontaobhaithe ar chas sé leo agus go raibh na rioscaí a sainaithníodh á mbainistiú go leordhóthanach acu.

Bhí sé de chuspóir ag na boird iontaobhaithe uile ar chas an tÚdarás leo na rioscaí a bhain leis an scéim a laghdú le himeacht ama agus bhíodas i mbun ráthaíocht chorparáideach a chomhaontú i leith scéim amháin. Thug an tÚdarás dá aire go raibh rannpháirtíocht rialta ar bun leis an bhfostóir urraíochta maidir le straitéis infheistíochta, maoiniú agus gealltanais ranníocaíochtaí an urraitheora.

I measc na dtuairimí ó bheith ag breathnú ar an rannpháirtíocht le scéimeanna le ranníocaíocht shainithe bhí an gá le pleanáil chomharbais leordhóthanach a bheith i bhfeidhm ag boird iontaobhaithe chun an riosca a mhaolú go n-éireodh comhalta de bhord iontaobhaithe as a phost gan choinne.

Iniúchtaí ar ghrúpscéimeanna

Rinne an tÚdarás iniúchtaí ar chomhlíonadh le ceanglais shonracha a leagtar amach san Acht in 2024, lena n-áirítear an ceanglas maidir le ráiteas bliantúil um chomhlíonadh a ullmhú, an ceanglas maidir le sealbhóir príomhfheidhme um bainistiú riosca agus sealbhóir príomhfheidhme um iniúcháireacht inmheánach a cheapadh, agus an ceanglas maidir le féinmheasúnú riosca (ORA) a dhéanamh agus a thaifeadadh.

Rinneadh iniúchadh ar 466 scéim san iomlán, mar a léirítear sa tábla thíos.

Cineál iniúchta	Líon scéimeanna		Iomlán
	DB	CD	
ACS	100	88	188
KFH	21	63	84
ORA	100	94	194
Iomlán	221	245	466

Fuarthas gur chomhlíon formhór na scéimeanna na ceanglais éagsúla. I gcás inar sainaithin an tÚdarás fadhbanna maidir le neamhchomhlíonadh, nó muilleanna ar shonraí a thabhairt cothrom le dáta ar an gClár Sonraí Pinsin (PDR), eisíodh litreacha torthaí do na hiontaobhaithe chun aghaidh a thabhairt ar na fadhbanna sin. I roinnt mhaith cásanna, bhain neamhchomhlíonadh le scéimeanna a raibh sé ar intinn acu fóirceannadh agus aistriú chuig oll-iontaobhas nó socruithe eile maidir le pinsin.

Maoirseacht PRSA

Ní raibh aon samplaí suntasacha de neamhchomhlíonadh sainaitheanta ag achtúirí PRSA in 2024. Scrúdaigh an tÚdarás gach mionsampla de neamhchomhlíonadh a thuairiscigh achtúirí PRSA agus pléadh iad leis an soláthraí bainteach PRSA, nuair ba ghá.

Rinne an tÚdarás iniúchadh ar na 15 soláthraí PRSA chun scrúdú a dhéanamh ar chomhlíonadh le ceanglais Alt 113 den Acht. Ceanglaíonn Alt 113 ar sholáthraithe PRSA a chinntiú gur tugadh doiciméid nochtá áirithe dóibh sula nglacann siad le haistriú ó scéim pinsin ceirde go dtí PRSA, seachas i gcúinsí sonracha áirithe. Ar an iomlán, níor braithheadh aon fhadhb ábhartha maidir le neamhchomhlíonadh.

D'fhaomh an tÚdarás 23 táirge nua PRSA, i gcomhar leis na Coimisinéirí Ioncaim, in 2024. Fuarthas agus faomhadh 16 iarraidh ar leasú maidir le táirgí reatha i gcaitheamh na bliana. Bhain na leasuithe sin le hathruithe ar an struchtúr gearrtha táillí nó le cistí a chur le táirge PRSA nó iad a bhaint uaidh. Faomhadh 10 táirge neamhchaighdeánach do sholáthraí nua PRSA amháin in 2024.

Maoirseacht ar scéimeanna earnála poiblí

Lean an tÚdarás ar aghaidh ag plé le scéimeanna earnála poiblí i gcaitheamh 2024, agus dhírigh sé ar aghaidh a thabhairt ar shaincheisteanna a bhain le faisnéis a nochtadh agus sochar a íoc go tráthúil in earnálacha áirithe. Beidh an tÚdarás ag plé go leanúnach arís in 2025 le scéimeanna earnála poiblí ar na nithe seo.

Maoirseacht ar riarthóirí cláraithe

D'athnuaigh an tÚdarás 88 riarthóirí cláraithe (RA) in 2024, phróiseáil sé iarratas nua amháin ar RA agus phróiseáil sé 10 foirceannadh RA. Bhí roinnt cruinnithe rannpháirtíochta ag an Údarás le RAnna le linn na bliana.

Tuairisciú éigeantach agus deonach / sceithireacht

Tá forálacha reachtúla ann, ar a dtugtar oibleagáidí sceithireachta, lena gcuirtear oibleagáid dhlíthiúil ar dhaoine sonraithe atá páirteach i bhfeidhmiú scéimeanna pinsin cheirde, conarthaí blianachta scoir iontaobhais (RACanna) agus PRSanna iontaobhais. Ní mór do na daoine sin tuairisc a thabhairt don Údarás má mheasann siad go ndearnadh calaois nó mí-leithghabháil ábhartha nó má mheasann siad go bhfuil baol ann go dtarlóidh a leithéid. Féadfaidh duine ar bith tuairisc dheonach a thabhairt ar chúrsaí a bhaineann le staid agus feidhmiú scéime, RAC iontaobhais nó PRSA. Tugann an tÚdarás aird ar gach tuairisc den sórt sin agus coinníonn sé faoi rún iad. Fuair an tÚdarás 21 thuairisc den sórt sin in 2024.

Maoirseacht fhrithghníomhach agus imscrúduithe

Tugadh 17 chás imscrúdaithe ar aghaidh go 2024 agus osclaíodh 23 chás eile le linn na bliana. Bhain formhór na n-imscrúduithe a osclaíodh in 2024 le líomhaintí nár íocadh ranníocaíochtaí. Dúnadh 25 chás le linn na bliana agus bhí 15 chás fós ar siúl ag deireadh na bliana.

Ionchúisimh

Ní raibh aon chásanna ionchúisimh ann in 2024.

Córas TF agus sonraí a fhorbairt

Tá ardán maoirseachta TF an Údaráis á athsholáthar faoi láthair, agus an córas nua le dul i mbun gnó in 2026. Déanfaidh an tÚdarás tuilleadh cumarsáide le hiontaobhaithe agus le riarthóirí faoin fhorbairt ar an ardán sin le linn 2025.

Is é cuspóir an Údaráis a chinntiú go mbeidh a chórais láidir agus go dtacóidh siad le maoirseacht rioscabhunaithe réamhbhreathnaitheach agus le beartas fianaise-bhunaithe agus sonraí-bhunaithe. Saincheist amháin nach mór d'iontaobhaithe agus a riarthóirí aghaidh a thabhairt uirthi láithreach, áfach, is ea cáilíocht na sonraí in aighneachtaí chuig an Údarás. Caitheann baill foirne san Údarás i bhfad an iomarca ama ag plé le saincheisteanna sonraí agus an méid a sheoltar chugainn a cheartú de láimh. Beidh sraitheanna breise bailíochtaithe ag an ardán nua chun cabhrú le cruinneas, ach beidh an tÚdarás ag féachaint ar chuir chuige nua le haghaidh fhorfheidhmiú níos déine maidir le haighneachtaí sonraí amach anseo. Is iad na hiontaobhaithe atá freagrach, ar deireadh thiar, as na

sonraí a sheoltar thar a gceann chuig an Údarás.

Sa mheántéarma, beidh an tÚdarás ag bailiú níos mó sonraí ó scéimeanna pinsean, agus beidh gá leis na sonraí sin a chur i láthair ar bhealach níos tráthúla agus níos minice ná mar a dhéantar faoi láthair. Beidh an tÚdarás ag obair le comhghleacaithe sa Bhanc Ceannais chun dúbailt sonraí a sheachaint a mhéid agus is féidir. Beidh ar iontaobhaithe a chinntiú gur féidir lena gcórais riaracháin sonraí tráthúla agus cruinne a sholáthar sna formáidí riachtanacha.

FORBAIRT BEARTAIS

Le linn na bliana:

- reáchtáil an tÚdarás comhairliúchán maidir le hathchóirithe ar chód iompair an Údaráis le haghaidh soláthraithe PRSA. Tá ranna nua faoi choinbheleachtaí leasa, rabhadh riosca agus maoirseacht agus rialachas táirgí san áireamh sa chód athbhreithnithe. Foilsíodh an cód athbhreithnithe an 31 Eanáir 2025 agus tiocfaidh sé i bhfeidhm an 1 Lúnasa 2025;
- lean an tÚdarás de bheith rannpháirteach sa Ghrúpa Athchóirithe agus Cánachais Idir-rannach agus thug sé roinnt tasc chun cinn chun tátail i dTuarascáil an Ghrúpa a chur i bhfeidhm. Rinne an tÚdarás idirchaidreamh leis an Roinn Coimirce Sóisialaí chun leasuithe reachtacha a fhorbairt a bhain le faisnéis a nochtadh do ranníocóirí PRSA. Lean an tÚdarás d'anailís agus forbairt a dhéanamh ar thograí beartais maidir le tabhairt isteach féidir tharraingt anuas i scéimeanna. Leanfar leis an obair sin in 2025;
- lean an tÚdarás de bheith rannpháirteach i Meitheal an ECFE um Phinsin Phríobháideacha. Rinne an tÚdarás cathaoirleacht ar Choiste Teicniúil Eagraíocht Idirnáisiúnta na Maoirseoirí Pinsean (IOPS) agus rannchuidigh sé le tionscadal an IOPS maidir le hathléimneacht na maoirseachta ar phinsin chun dea-chleachtais a shainathint do chreataí bainistithe géarchéime;
- ghlac sé páirt i gcruinnithe Bhord Maoirseoirí an Údaráis Eorpaigh um Árachas agus Pinsin Cheirde (EIOPA) agus d'fhreastail sé ar chruinnithe Choiste Stiúrtha Beartas EIOPA. Ghlac an tÚdarás páirt i meithleacha eile agus choinnigh súil orthu, mar shampla an Coiste um Riosca agus Cobhsaíocht Airgeadais agus an Coiste Stiúrtha um Airgeadas Digiteach. Chuir an tÚdarás le sruthanna oibre éagsúla IORP EIOPA agus chuaigh sé i mbun plé le rialtóirí eile chun tuiscint chothrom le dáta a choinneáil ar bun maidir le tionscnaimh a bhain le pinsin a bhí á bhforbairt san AE;
- thug sé cúnamh teicniúil don Roinn Coimirce Sóisialaí ar raon ábhar a bhain le pinsin, ina measc reachtaíocht AE, mar shampla an togra um Rochtain

ar Shonraí Airgeadais, an Pointe Rochtana Aonair Eorpach agus an Gníomh um Athléimneacht Dhigiteach Oibríochtúil (DORA);

- rinne an tÚdarás idirchaidreamh leis an Roinn Coimirce Sóisialaí faoi leasuithe féideartha ar an reachtaíocht a fhorbairt chun córas údaraithe a thabhairt isteach do scéimeanna, lena n-áirítear oll-iontaobhais. Leanfar leis an obair sin in 2025;
- chuir sé tús le comhoibriú leis an bPríomh-Oifig Staidrimh (POS) ar PRSAnna, a bhfuil i gceist leis sonraí ó raon bunachar sonraí a nascadh d'fhonn anailís staitistiúil ar shonraí PRSA a fhoilsiú;
- lean sé d'athbhreithniú a dhéanamh ar oiriúnacht na rialacha atá ann faoi láthair faoi infheistíocht PRSA agus de phlé a dhéanamh leis an Roinn Coimirce Sóisialaí ina leith. Leanfar den obair seo in 2025;
- chuaigh sé i mbun plé rialta le páirtithe leasmhara seachtracha mar shampla Cumann Achtúirí na hÉireann, Cumann Cistí Pinsin na hÉireann, soláthraithe pinsean, an Roinn Coimirce Sóisialaí, an Roinn Airgeadais, an Phríomh-Oifig Staidrimh, Banc Ceannais na hÉireann agus na Coimisinéirí Ioncaim; agus
- chuaigh sé i mbun plé le hiontaobhaithe, gairmithe i dtionscal na bpinsean agus rialtóirí eile maidir le raon leathan saincheisteanna pinsin, ina measc dul chun cinn ar chomhdhlúthú agus DORA.

FAISNÉIS TACAÍOCHTA AGUS TREOIR

Tacaíonn an tÚdarás le hiontaobhaithe, soláthraithe PRSA, riarthóirí, fostaithe agus comhairleoirí le faisnéis agus le treoir chun cabhrú leo a n-oibleagáidí faoin Acht a thuiscint agus a chomhlíonadh.

Fuarthas ní ba mhó ná 14,600 fiosrúchán ginearálta maidir le cúrsaí pinsin agus próiseáil sonraí i gcaitheamh na bliana, agus pléadh leo. Tháinig an chuid ba mhó den 7,878 fiosrúchán ginearálta ar chúrsaí pinsin ó bhaill scéimeanna pinsin. Bhain na hábhair ba choitianta a ndearnadh fiosrúchán ina leith le nochtadh faisnéise, rianú pinsean, sochair scéimeanna san earnáil phoiblí, PRSAnna agus dlí teaghlaigh. Freagraíodh gach fiosrúchán de réir Chairt Custaiméirí an Údaráis agus ní bhfuarthas aon ghearán faoin gcaoi ar pléadh leo.

Ina theannta sin, fuair an tÚdarás 78 iarraidh ar fhaisnéis ó eagraíochtaí idirnáisiúnta agus ó údaráis náisiúnta in 2024.

TUAIRISCIÚ RIACHTANACH

Nochtuithe cosanta

Fuair an tÚdarás dhá thuarascáil ar nochtadh cosanta ó fhoinsí seachtracha in 2024. Pléadh leis an dá thuarascáil sheachtracha agus réitíodh iad. Ní bhfuarthas aon tuarascáil ar nochtadh ó bhaill foirne inmheánacha. Foilsíodh tuarascáil bhliantúil 2024 an Údaráis maidir le Nochtuithe Cosanta ar láithreán gréasáin an Údaráis.

Sonraí agus fiosrúcháin faisnéise

In 2024:

- phléigh an tÚdarás le trí fhiosrúchán ó chomhaltaí an Oireachtais;
- sholáthair an tÚdarás faisnéis don Roinn Coimirce Sóisialaí mar fhreagairt ar 17 gCeist Pharlaiminte;
- thug sé cúig iarraidh um shaoráil faisnéise chun críche laistigh de na sprioc-amanna reachtúla;
- fuair sé dhá iarraidh ar rochtain ag duine is ábhar sonraí faoin Rialachán Ginearálta maidir le Cosaint Sonraí;
- ní bhfuair sé aon iarraidh ar shonraí oscailte; agus
- ní dhearna sé aon tuairisc ar shárú sonraí leis an gCoimisiún um Chosaint Sonraí.

Íocaíochtaí prasa

D'oibrigh an tÚdarás beartas íocaíochta praise 15 lá agus chuir sé a thuairiscí ráithiúla um íocaíocht phras suas ar an láithreán gréasáin.

Acmhainní daonna

Tá an tÚdarás tiomanta d'áit shábháilte oibre a chur ar fáil agus bíonn sé ag feidhmiú i gcomhréir leis an Acht um Shábháilteacht, Sláinte agus Leas ag an Obair. Cuireann sé clár cúnamh rúnda ar fáil d'fhostaithe, leis.

Tugann an tÚdarás an deis d'fhostaithe, trí fhoghlaím agus forbairt leanúnach, forbairt a dhéanamh ar na scileanna agus ar an eolas a theastaíonn uathu ina gcuid ról chun freastal ar leas an phobail ar bhealach éifeachtach, éifeachtúil. Tá an tÚdarás tiomanta infheistiú i saineolas a fhostaithe ionas gur féidir leo a ngairmeacha beatha a chur chun cinn san eagraíocht féin agus níos faide i gcéin.

An dualgas um chomhionannas, éagsúlacht, agus cearta daoine san earnáil phoiblí

Caitheann an tÚdarás dúthracht leis na dualgais atá air a chomhlíonadh maidir leis an gcomhionannas a chur chun cinn, leithcheal a chosc agus cearta daonna fostaithe agus úsáideoirí seirbhíse a chosaint, de réir mar a cheanglaítear air faoi Dhualgas Comhionannais agus Ceart Daonna na hEarnála Poiblí (faoi alt 42 den Acht fá Choimisiún na hÉireann um Chearta an Duine agus Comhionannas, 2014).

Caitheann an tÚdarás dúthracht lena dhualgas um chomhionannas agus cearta daoine san earnáil phoiblí a chomhlíonadh chun leithcheal a chosc, comhdheiseanna a chur chun cinn agus cearta daonna na ndaoine a bpléimid leo agus na fóirne a oibríonn anseo a chosaint.

Leanfaidh an tÚdarás de chultúr rannpháirtíochta agus ionchuimsiú san áit oibre a spreagadh trí dhul i mbun plé le páirtithe leasmhara inmheánacha agus seachtracha nuair is ábhartha agus nuair is cuí faoi chúrsaí a bhaineann le cearta an duine agus éagsúlacht, comhionannas agus ionchuimsiú.

Tá beartas um chomhionannas, éagsúlacht agus ionchuimsiú i bhfeidhm ag an Údarás a chuirtear ar fáil do gach fostaí. Tá teacht ag na fostaithe ar fad ar chúrsa oiliúna ar líne maidir le comhionannas, éagsúlacht agus ionchuimsiú.

Tá Cairt Custaiméirí agus Plean Gníomhaíochta Custaiméirí an Údaráis foilsithe ar an láithreán gréasáin. Leagtar amach iontu an tslí a gcomhlíonann an tÚdarás a oibleagáidí d'úsáideoirí a sheirbhísí. Tá sonraí maidir lenár n-oifigigh rochtana faoin Acht um Míchumas, 2005, foilsithe ar láithreán gréasáin an Údaráis freisin.

Is fostóir comhdheiseanna é an tÚdarás agus tá leathanach tiomnaithe do ghairmeacha ar a láithreán gréasáin. Déanann an tÚdarás folúntais chuí a fhógairt go poiblí ar publicjobs.ie agus ar LinkedIn. Glacann an tÚdarás cur chuige atá bunaithe ar inniúlacht sa mheasúnú ar iarratais ar phoist agus in agallaimh.

Déanann an tÚdarás monatóireacht ar a chomhlíontacht le hoibleagáidí um chearta daonna, comhionannas, éagsúlacht agus ionchuimsiú i rith na bliana trí abhreithniú a dhéanamh ar aon nótaí inmheánacha nó seachtracha, fiosrúcháin nó gearáin a fhaightear ar na cúrsaí sin agus aghaidh a thabhairt orthu.

Acht na dTeangacha Oifigiúla (Leasú), 2021

Aithníonn an tÚdarás go bhfuil sé de cheart ag an bpobal a gcuid gnó a dhéanamh linn ina rogha teanga, cibé acu Gaeilge nó Béarla. Faoi Acht na dTeangacha Oifigiúla, tá an pobal i dteideal seirbhísí ar leith a fháil trí Ghaeilge, lena n-áirítear freagra ar chomhfhreagras i nGaeilge agus fáil ar an gcuid is mó d'fhoilseacháin mhóra i nGaeilge, m.sh., Tuarascáil Bhliantúil an Údaráis. Tá an tÚdarás tiomanta do sheirbhís phoiblí ar ardchaighdeán a chur ar fáil sa Ghaeilge ós í an teanga náisiúnta agus an phríomhtheanga oifigiúil í. Tugann an tÚdarás spreagadh agus tacaíocht d'fhostaithe tabhairt faoi oiliúint sa Ghaeilge. Chríochnaigh beirt fhostaithe oiliúint sa Ghaeilge in 2024.

An gníomhú ar son na haeráide agus úsáid fuinnimh

Is é an leictreachas an t-aon fhoinse fuinnimh a úsáidtear san Údarás. Ba é 97,325 kWh an méid iomlán fuinnimh a d'úsáid an tÚdarás in 2024, laghdú 1.5% ar 2023 (98,799 kWh). Ba é 25,756 kg CO₂ an méid iomlán astaíochtaí CO₂ a bhain le fuinneamh in 2024, laghdú 5.71% ar 2023 (27,317 kgCO₂). Tuairiscítear rátaí tomhaltais fuinnimh trí Chóras Faireacháin agus Tuairiscithe Earnála Poiblí an SEAI (M&R).

Tá treochlár um ghníomhú ar son na haeráide ag an Údarás chun na hoibleagáidí atá orainn faoin Sainordú um Ghníomhú ar son na hAeráide san Earnáil Phoiblí mar a leagtar amach sa Plean Gníomhaithe ar son na hAeráide 2024 a chomhlíonadh. Díríonn an treochlár ar ár spriocanna, ár ndaoine, ar an mbealach a n-oibrímid agus ar ár bhfoirgneamh. Chuir foireann ghlas an Údaráis um ghníomhú ar son na haeráide tionscnaimh inbhuanaitheachta agus bainistiú freagrach acmhainní chun cinn i rith 2024, agus tá beartais i bhfeidhm maidir le hathchúrsáil, bainistiú agus diúscairt dramhaíola, agus úsáid éifeachtúil fuinnimh agus uisce.

Tá an tÚdarás ag cloí leis na treoirlínte ón Oifig um Sholáthar Rialtais maidir le soláthar poiblí glas. Comhlíonann an tÚdarás na nósanna imeachta éigeantacha agus an mhodheolaíocht a leagtar amach i gCiorclán 01/2020 ón Roinn Caiteachais Phoiblí, Sheachadadh PFN agus Athchóirithe le haghaidh na ranna rialtais, oigigí agus gníomhaireachtaí rialtais go léir, maidir leis na hastaíochtaí gás ceaptha teasa a bhaineann le taisteal aeir oifigiúil a thaifeadadh, agus monatóireacht agus luacháil a dhéanamh orthu laistigh de bhliain féilire amháin. Ag teacht leis sin, rinne an tÚdarás iocaíocht chomhfhreagrach leis an gciste um ghníomhú ar son na hAeráide, bunaithe ar an ráta cánach carbóin a bhí i réim.

COISTE AN ÚDARÁIS

An Coiste Iniúcháireachta agus Riosca

Tá an Coiste Iniúcháireachta agus Riosca (ARC) mar chuid den timpeallacht rialaithe laistigh den Údarás. Tá sé de chúram ar an gCoiste maoirseacht agus comhairle neamhspleách a sholáthar don Údarás ar chúrsaí lena n-áirítear oiriúnacht agus stóinseacht maidir le rialú inmheánach, bainistíocht riosca agus nósanna imeachta rialachais na heagraíochta, mar aon le hiontaofacht i ndáil le tuairisciú airgeadais.

Tá an Coiste neamhspleách ar bhainistíocht airgeadais laethúil na heagraíochta, atá faoi dhualgas an Fheidhmeannais. Go háirithe, déanann an Coiste monatóireacht neamhspleách ar na córais rialaithe inmheánaigh, lena n-áirítear gníomhaíochtaí iniúcháireachta.

Ballraíocht an Choiste

Cúigear comhaltaí atá ar an gCoiste ARC: Cathaoirleach neamhspleách, beirt chomhaltaí neamhspleácha neamhfheidhmiúcháin, ionadaí ón Roinn Coimirce Sóisialaí agus ionadaí ón Roinn Airgeadais.

Sceideal tinrimh

Leagtar amach thíos an sceideal tinrimh ag cruinnithe an Choiste in 2024:

Cruinnithe ARC in 2024 Líon na gcruinnithe a tionóladh: 5		
Ainm	Post	Freastal
Patricia Barker	Cathaoirleach	5/5
Brendan O'Leary	Ionadaí na Roinne Airgeadais	5/5
Clíodhna Judge	Comhalta neamhspleách neamhfheidhmiúcháin	5/5
Odelle Coogan	Ionadaí na Roinne Coimirce Sóisialaí	4/5
Conor Sexton	Comhalta neamhspleách neamhfheidhmiúcháin	5/5

Cairt an Choiste ARC

Tá téarmaí tagartha an Choiste sin leagtha amach ina Chairt. Rinne an Coiste an t-athbhreithniú bliantúil ar a Chairt in 2024 agus d'fhaomh an tÚdarás é an 22 Deireadh Fómhair 2024.

Obair an Choiste in 2024

Rinne an Coiste, agus riachtanais a fheidhm chomhairleach á gcomhlíonadh aige, measúnú ar fheidhmiú phríomhghnéithe na gcóras rialaithe inmheánaigh atá i bhfeidhm san Údarás in 2024. Reáchtáil an Coiste a chruinnithe ar an láthair agus tugadh tacaíocht le go mbeifí in ann freastal orthu ar líne nuair ba ghá sin i gcaitheamh 2024.

Iniúchadh inmheánach

D'fhaomh an Coiste clár oibre iniúcháireachta inmheánaí na bliana 2024 ar a raibh an méid seo a leanas:

- Athbhreithniú ar rialuithe inmheánacha san Údarás.
- Athbhreithniú ar phróiseas planála straitéisí an Údaráis.
- Athbhreithniú ar phróisis an Údaráis maidir le leanúnachas gnó, athshlánú ó thubaiste agus freagairt do theagmhais chibearshlándála.

Bhuail an Coiste leis na hiniúcháirí inmheánacha chun torthaí an iniúchta a phlé agus rinne monatóireacht ar an gcaoi a raibh an Feidhmeannas ag cur na moltaí iniúchta chun feidhme i rith 2024.

Iniúchadh seachtrach

Is é an tArd-Reachtair Cuntas agus Ciste iniúcháir seachtrach an Údaráis. D'eisigh an tArd-Reachtair tuairim iniúchára neamhcháilithe maidir le ráitis airgeadais an Údaráis, 2023. Bhuail an Coiste leis na hiniúcháirí seachtracha chun torthaí an iniúchta a phlé agus rinne monatóireacht ar an gcaoi a raibh an Feidhmeannas ag cur na moltaí iniúchta chun feidhme i rith 2024.

Maoirseacht airgeadais

Tá an Coiste neamhspleách ar bhainistíocht airgeadais agus oibríochtaí laethúil na heagraíochta, atá faoi chúram an Fheidhmeannais. Le linn 2024, rinne an Coiste athbhreithniú ar na cuntais ráithiúla bhainistíochta, agus rinne scrúdú ar na cúiseanna a bhí le haon imeacht ábhartha ón gcaiteachas planáilte, rud a pléadh leis an bhFeidhmeannas chomh maith. Rinne

an Coiste athbhreithniú ar infheistíochtaí an Údaráis gach ráithe. Choinnigh an Coiste maoiniú an Údaráis amach anseo mar mhír sheasta ar a chlár oibre i rith 2024. Rinne an Coiste monatóireacht ar shreafaí airgid an Údaráis amach anseo i bhfianaise mórchaiteachas caipitil a bheith pleanáilte agus fuair sé tuairiscí ar dhul chun cinn na dtionscadal ábhartha. Rinne an Coiste athbhreithniú ar dhréachtbhuiséad 2025 agus thug aiseolas don Údarás ina leith.

Bainistíocht riosca

Déanann an Feidhmeannas clár rioscaí a thiomsú agus a bhainistiú agus sainaithníonn sé na príomhrioscaí atá roimh an Údarás agus na bearta atá á ndéanamh ag an bhFeidhmeannas, a mhéid is féidir, chun na rioscaí sin a mhaolú. Thug an Coiste aiseolas don Údarás ar a athbhreithniú ráithiúil ar an gclár rioscaí. Tá an Coiste deimhin go raibh an próiseas chun príomhrioscaí a aithint, iad a mheas agus aghaidh a thabhairt orthu láidir go leor lena chinntiú go raibh córas éifeachtach bainistíochta riosca i bhfeidhm san Údarás in 2024.

Rialachas corparáideach

In 2024, fuair an Coiste tuairiscí chun dáta ón Rialtóir Pinsean maidir le gníomhaíochtaí maoirseachta an Údaráis agus cúrsaí eile, lena n-áirítear tionscnaimh athchóirithe pinsean, feidhmiú Threoir IORP II, infheistíochtaí á spreagadh ag dliteanas, forbairt córas TF agus tionscadail bainistíochta sonraí, rollú uathoibríoch, ioncam ó tháillí agus acmhainní daonna.

Rinne an Coiste iniúchadh ar scileanna lena mheas cibé an raibh teacht ag an gCoiste ar na scileanna agus ar an eolas ábhartha chun a dhualgais a chomhlíonadh. Sainaithníodh bearna i rialachas TFC agus cibearslándáil. Tar éis próiseas earcaíochta, ceapadh comhalta breise chuig an gCoiste i mí an Mhárta 2024 chun an bearna sin a líonadh.

Is gnás go dtagann an Coiste le chéile ar feadh gearrthréimhse gan aon chomhalta den Fheidhmeannas a bheith i láthair, ag deireadh gach ceann dá chuid cruinnithe.

Chuir Cathaoirleach an Choiste Iniúcháireachta agus Riosca tuairisc faoi bhráid an Údaráis tar éis gach ceann dá chruinnithe in 2024. Chomhlíon an Coiste a oibleagáidí faoin gCód Cleachtais um Rialachas Comhlachtaí Stáit in 2024.

Plean don bhliain 2025

Is eol don Choiste an iliomad rioscaí atá ann don Údarás agus dul chun cinn á dhéanamh aige le maoirseacht riosca-bhunaithe réamhbhreathnaitheach a chur i bhfeidhm mar a éilítear le Treoir IORP II. Déanfar monatóireacht leanúnach ar na rioscaí seo i rith 2025.

I measc na n-iniúchtaí inmheánacha atá beartaithe do 2025 tá:

- R1 – Cultúr Eagraíochta.
- R2 – Maoirseacht riosca-bhunaithe réamhbhreathnaitheach.

Tátal

Tá an Coiste sásta go bhfuil córas daingean rialaithe inmheánaigh agus bainistíochta airgeadais curtha ar bun san Údarás. Tá sé sásta chomh maith go bhfuil córas iomchuí i bhfeidhm le haghaidh bainistíochta riosca éifeachtach san Údarás. Déanfaidh an Coiste Iniúcháireachta agus Riosca monatóireacht leanúnach ar na córais seo.

Tá tuarascáil bhliantúil iomlán an Choiste Iniúcháireachta agus Riosca ar láithreán gréasáin an Údaráis.

Patricia Barker

Patricia Barker

Cathaoirleach an ARC
Nollaig 2024

RÁITEAS RIALACHAIS AGUS TUARASCÁIL CHOMHALTAÍ AN ÚDARÁIS

Rialachas

Comhlacht reachtúil is ea an tÚdarás a cuireadh ar bun de bhun an Acht. Tá feidhmeanna an Údaráis leagtha amach in alt 10 den Acht. Tá an tÚdarás freagrach don Aire Coimirce Sóisialaí. Tá an tÚdarás freagrach as dea-rialachas a chinntiú laistigh den eagraíocht agus feidhmíonn sé an tasc sin trí chuspóirí agus spriocanna straitéiseacha a chomhaontú leis an bhFeidhmeannas agus trí chinntí straitéiseacha a dhéanamh maidir le gach saincheist ghnó phríomhúil. Ní mór don Rialtóir Pinsean agus an fhoireann bhainistíochta sinsearaí an treo straitéiseach leathan a leanúint arna chomhaontú leis an Údarás, agus ní mór dóibh a chinntiú go mbíonn tuiscint shoiléir ag comhaltaí uile an Údaráis ar na príomhghníomhaíochtaí agus príomhchinntí a bhaineann leis an aonán, agus ar aon rioscaí suntasacha a d'fhéadfadh teacht chun cinn.

Freagrachtaí an Údaráis

Tá an tÚdarás freagrach go comhchoiteann as gníomhaíochtaí an Údaráis a threorú agus a stiúradh. Déanann sé freagracht oibríochtúil as réachtáil laethúil an Údaráis a tharmligean don Rialtóir Pinsean agus don Fheidhmeannas. Ní scaoileann a leithéid de tharmligean an tÚdaráis ón dualgas chun maoirseacht a dhéanamh ar chomhlíonadh na bhfeidhmeanna tarmligthe. Tá an tÚdarás freagrach as príomhfheidhmeanna a chomhlíonadh, lena n-áirítear an treo straitéiseach agus pleananna gníomhaíochta móra a athbhreithniú agus a threorú, beartais agus nósanna imeachta bainistíochta riosca, buiséid bhliantúla agus pleananna gnó, cuspóirí feidhmíochta a shocrú, monatóireacht ar chur chun feidhme agus ar fheidhmíocht an Údaráis, agus maoirseacht ar mhórchaiteachas caipitiúil agus cinntí infheistíochta.

I measc na mbuan-mhíreanna a bhreithníonn an tÚdarás ag na cruinnithe dá chuid tá:

- coinbhleachtaí leasa,
- riosca,
- tuarascálacha ón CIR (agus tuairisciú airgeadais san áireamh),
- Tuarascáil an Rialtóra Pinsean, agus
- cinntí forfheidhmithe agus rialála.

Faoi alt 22 den Acht, ceanglaítear ar an Údarás gach gnáthchuntas cuí ar airgead a fhaigheann sé agus a

chaitheann sé a choinneáil i cibé foirm a ordóidh an tAire Coimirce Sóisialaí le toiliú an Aire Caiteachais Phoiblí, Sheachadadh ar an bPlean Forbartha Náisiúnta agus Athchóirithe.

Agus na ráitis airgeadais seo á n-ullmhú aige, faoin gCód Cleachtais maidir le Rialachas Comhlachtaí Stáit (2016), éilítear ar an Údarás:

- beartais chuntasaíochta iomchuí a roghnú agus iad a chur i bhfeidhm go comhsheasmhach,
- breitheanna a thabhairt agus réamh-mheastacháin a dhéanamh atá réasúnta agus stuama,
- na ráitis airgeadais a ullmhú ar bhonn an ghnóthais leantaigh mura meastar iomchuí é talamh slán a dhéanamh de go leanfaidh sé ar aghaidh ag feidhmiú, agus
- sonrú cé acu ar leanadh nó nár leanadh caighdeáin chuntasaíochta infheidhme, faoi réir ag aon imeachtaí ábhartha arna nochtadh agus arna míniú sna ráitis airgeadais.

Ní mór don Údarás taifid chuntasaíochta chuí a choimeád, a nochtann staid airgeadais an Údaráis ag aon am le cruinneas réasúnta, agus a chuireann ar a chumas a chinntiú go gcomhlíonann na ráitis airgeadais alt 22 den Acht. Tá comhaltaí an Údaráis freagrach as coinneáil agus sláine na faisnéise corparáidí agus airgeadais atá ar láithreán gréasáin an Údaráis.

Tá an tÚdarás freagrach as:

- An plean bliantúil agus an buiséad bliantúil a fhaomhadh. Rinneadh measúnú ar fheidhmíocht an Údaráis trí thagairt don phlean bliantúil ag cruinniú den Údarás an 10 Nollaig 2024. Rinneadh an t-athbhreithniú ar an mbuiséad bliantúil an 10 Nollaig 2024.
- Moladh bliantúil a thabhairt don Aire Coimirce Sóisialaí maidir le táillí PRSA agus táillí scéimeanna pinsean ceirde.
- A chuid sócmhainní a chosaint agus, dá bhrí sin, céimeanna réasúnta a ghlacadh chun calaois agus mírialtachtaí eile a bhrath.

Measann an tÚdarás go dtugtar léargas fírinneach agus cóir le ráitis airgeadais an Údaráis ar fheidhmíocht airgeadais agus staid airgeadais an Údaráis amhail an 31 Nollaig 2024.

Gnóthas leantach

Rinne an Feidhmeannas athbhreithniú ar na sreafaí airgeadais don bhliain amach romhainn, agus tá sé sásta go mbeidh cistí leordhóthanacha ar fáil lena chinntiú go leanfaidh an tÚdarás d'fheidhmiú mar ghnóthas leantach sna blianta amach romhainn.

Struchtúr an Údaráis

Tá an tÚdarás comhdhéanta de chathaoirleach agus beirt gnáthchomhaltaí, agus ceapann an tAire Coimirce Sóisialaí gach duine acu. Maireann ceapachán chun an Údaráis ar feadh tréimhse suas le cúig bliana. Tá comhaltaí incháilithe le haghaidh athcheapacháin. Tagann comhaltaí an Údaráis le chéile beagnach gach sé seachtaine de réir sceideal cruinnithe arna chomhaontú ag tús gach bliana.

Sonraítear sa tábla thíos dáta ceapacháin chomhaltaí an Údaráis in 2024.

Comhalta an Údaráis	Ról	Dáta ceapacháin
David Begg*	Cathaoirleach	12 Eanáir 2016
Michael McGrath**	Ionadaí an Aire Airgeadais	17 Feabhra 2020
Ciarán Lawler***	Ionadaí an Aire Coimirce Sóisialaí	29 Márta 2021
Deirdre Shanley****	Ionadaí an Aire Coimirce Sóisialaí	06 Márta 2024

* Athcheapadh David Begg ina Chathaoirleach ar an tÚdarás an 13 Eanáir 2021.

**Ceapadh Michael McGrath arís i Márta 2024 mar ionadaí thar ceann an Aire Airgeadais.

***D'éirigh Ciarán Lawler as as a ról mar chomhalta den Údarás i Márta 2024.

****Ceapadh Deirdre Shanley i Márta 2024 mar Ionadaí an Aire Coimirce Sóisialaí.

Sceideal tinrimh, táillí agus costais

Tá sceideal tinrimh ag cruinnithe an Údaráis le haghaidh 2024 leagtha amach thíos lena n-áirítear na táillí agus costais a fuair gach comhalta.

Cruinnithe an Údaráis in 2024 Líon na gcruinnithe a tionóladh: 7				
Ainm	Post	Líon na gcruinnithe ar a bhfreastalaíodh	Táillí 2024 €	Costais 2024 €
David Begg	Cathaoirleach	7/7	20,520	0
Michael McGrath	Ionadaí an Aire Airgeadais	7/7	0	0
Ciarán Lawler	Ionadaí an Aire Coimirce Sóisialaí	2/2	0	0
Deirdre Shanley	Ionadaí an Aire Coimirce Sóisialaí	4/5	0	0

Cothromaíocht inscne i mballraíocht an Bhoird

Is iad na triúr comhaltaí de Bhord an Údaráis Pinsean:

- Cathaoirleach, agus
- Gnáthichomhaltaí – ionadaí ar an Roinn Coimirce Sóisialaí agus ionadaí ar an Roinn Airgeadais.

I Márta 2024, ceapadh Deirdre Shanley, Rúnaí Cúnta, an Roinn Coimirce Sóisialaí, mar chomhalta den Údarás in ionad Chiaráin Lawler mar ionadaí an Aire Coimirce Sóisialaí.

Amhail an 31 Nollaig 2024, bá mhná iad 33.3% de na comhaltaí agus b'fhir iad 66.7% díobh. Mar sin, níor chomhlíon an tÚdarás an sprioc sa Chód Cleachtais chun Comhlachtaí Stáit a Rialú i dtaobh ionadaíocht ar a laghad 40% a bheith ag fir agus mná araon mar chomhaltaí de Bhoird Stáit.

Is ar an Aire Coimirce Sóisialaí atá cúram na gceapachán chuig an Údarás. Maidir le haon cheapachán a dhéanfar amach anseo san Údarás, tarraingeadh an cathaoirleach aird an Aire ar an gcothromaíocht inscne atá ann faoi láthair ar Bhord an Údaráis.

Ó bunaíodh an tÚdarás (ar a dtugtaí an Bord Pinsean an tráth sin) in 1990, bhí 29 bean agus 39 fear ina ngnáth-chomhaltaí ar an mBord go dtí seo. In 2013, athraíodh comhdhéanamh an bhoird ó 17 gcomhalta go triúr leis an Acht Leasa Shóisialaigh agus Pinsean (Forálacha Ilghnéitheacha) 2013. Ina theannta sin, bhí triúr ban agus ceathrar fear ina gcathaoirleach ar an Údarás go dtí seo ó bhí 1990 ann.

An Coiste Iniúcháireachta agus Riosca

Tá Coiste Iniúcháireachta agus Riosca (ARC) bunaithe ag an Údarás ar a bhfuil ceathrar comhaltaí agus cathaoirleach neamhspleách.

Is é ról an ARC comhairle neamhspleách a thabhairt don Údarás ar chúrsaí lena n-áirítear oiriúnacht agus stóinseacht maidir le rialú inmheánach, iniúcháireacht inmheánach, bainistíocht riosca agus nósanna imeachta na gcórais rialachais san eagraíocht mar aon le hiontaofacht maidir le tuairisciú airgeadais.

Tá an ARC neamhspleách ar bhainistíocht laethúil na heagraíochta ag an bhFeidhmeannas. Cinntíonn an ARC go háirithe go ndéantar maoirseacht ghníomhach agus neamhspleách ar na córais rialaithe inmheánaigh agus gníomhaíochtaí iniúcháireachta san áireamh.

Tar éis gach ceann dá chruinnithe, tugann an ARC tuairisc foirmiúil don chéad chruinniú eile den Údarás. Cuireann an Coiste Iniúcháireachta agus Riosca tuarascáil bhliantúil ar fáil. Déanann an tÚdarás an tuarascáil a fhaomhadh agus foilsítear ar láithreán gréasáin an Údaráis í.

Cúigear comhaltaí atá ar an ARC agus ba iad seo a leanas na comhaltaí ag deireadh 2024:

- Patricia Barker, Uasal, Cathaoirleach (neamhspleách).
- Clíodhna Judge, Uasal, gnáthchomhalta (neamhspleách).
- An tUasal Conor Sexton, gnáthchomhalta (neamhspleách).
- An tUasal Brendan O'Leary, gnáthchomhalta (ionadaí na Roinne Airgeadais).
- Odelle Coogan, Uasal, gnáthchomhalta (ionadaí na Roinne Coimirce Sóisialaí).

Sceideal tinrimh, táillí agus costais

Tá sceideal tinrimh ag cruinnithe an ARC le haghaidh 2024 leagtha amach thíos, lena n-áirítear na táillí agus costais a fuair gach comhalta.

Cruinnithe ARC 2024				
Líon na gcruinnithe a tionóladh: 5				
Ainm	Post	Líon na gcruinnithe ar a bhfreastalaíodh	Táillí 2024 €	Costais 2024 €
Patricia Barker	Cathaoirleach	5/5	2,414	0
Clíodhna Judge	Gnáthchomhalta	5/5	1,697	0
Conor Sexton*	Gnáthchomhalta	5/5	1,414	446
Brendan O'Leary	Ionadaí na Roinne Airgeadais	5/5	0	0
Odelle Coogan	Ionadaí na Roinne Coimirce Sóisialaí	4/5	0	0

*Ceapadh Conor Sexton chuig an ARC an 14 Márta 2024.

Ní bhfuair na comhaltaí a leanas aon táille ón Údarás ná ón ARC faoin bprionsabal 'Duine Amháin, Tuarastal Amháin':

- Ciarán Lawler.
- Michael McGrath.
- Deirdre Shanley.
- Odelle Coogan.
- Brendan O'Leary.

Nochtuithe a éilítear faoin gCód Cleachtais chun Comhlachtaí Stáit a Rialút (2016)

Tá an tÚdarás freagrach as a chinntiú go gcomhlíonann an eagraíocht na riachtanais faoin gCód Cleachtais um Rialachas Comhlachtaí Stáit ('an Cód'), mar atá foilsithe ag an Roinn Caiteachais Phoiblí, Sheachadadh PFN agus Athchóirithe i Lúnasa 2016.

Teastaíonn na nochtuithe a leanas faoin gCód:

Miondealú ar shochair ghearrthéarmacha fostaithe

Tá sonraí maidir le sochair ghearrthéarmacha fostaithe níos mó ná €60,000 agus costais thuarastail an phríomhphearsanra bainistíochta leagtha amach i nóta uimhir a trí sna ráitis airgeadais.

Costais chomhairleachta

Cuimsítear le costais chomhairleachta costas na comhairle seachtraí don lucht bainistíochta agus ní áirítear feidhmeanna 'gnó mar is gnách' seachfhoinsithe leo.

	2024 €	2023 €
Comhairle dhlí	304,982	363,129
Comhairle airgeadais/achtúireach	0	0
Caidreamh poiblí	0	0
Comhairleacht taighde	0	8,918
Feabhsú gnó	0	0
Comhairliúchán TFC	1,184,460	785,792
Tacaíocht d'iniúchtaí agus do chomhlíonadh	122,293	131,719
Costais chomhairleachta iomlána	1,611,735	1,289,558
	2024 €	2023 €
Costais chomhairleachta arna gcaipitliú ¹	1,184,460	785,792
Costais chomhairleachta a chuirtear chun dochar an Ráitis Ioncaim agus Caiteachais agus Cúlchistí Ioncaim Coinnithe	427,275	503,766
Iomlán	1,611,735	1,289,558

Costais dhlíthiúla agus socraíochtaí

Soláthraítear miondealú leis an tábla thíos ar mhéideanna a aithnítear mar chaiteachas sa tréimhse tuairiscithe maidir le costais dhlíthiúla, socraíochtaí agus imeachtaí idir-réitigh agus eadrána a bhaineann le conarthaí le tríú páirtithe. Níl caiteachas san áireamh leis sin a tabhaíodh maidir le comhairle ghinearálta arna fáil ag an Údarás atá nochta i gcostais chomhairleachta thuas.

	2024 €	2023 €
Táillí dlíthiúla - imeachtaí dlíthiúla	0	7,407
Íocaíochtaí idir-réitigh agus eadrána	0	0
Socraíochtaí	0	0
Iomlán	0	7,407

¹ I gcás €1,184,460 de na costais chomhairleachta arna gcaipitliú, baineann siad le tionscadail forbartha TF. Léirítear i nóta 11 iad agus déantar iad a chaipitliú i gcomhréir leis na rialacha a leagtar amach in FRS102.

Caiteachas taistil agus cothaithe

Tá caiteachas taistil agus cothaithe catagóirithe mar a leanas:

	2024 €	2023 €
Intíre		
- Comhaltaí an Údaráis	0	0
- Fostaithe	2,129	811
Go hIdirnáisiúnta		
- Comhaltaí an Údaráis	0	0
- Fostaithe	17,392	18,593
Iomlán	19,521	19,404

Caiteachas fáilteachais

Áirítear an caiteachas fáilteachais a leanas leis an gcuntas ioncaim agus caiteachais:

	2024 €	2023 €
Fáilteachas d'fhostaithe ²	8,807	11,690
Fáilteachas do chliaint	1,303	1,039
Iomlán	10,110	12,729

Ráiteas um chomhlíonadh

Ghlac an tÚdarás leis an gCód Cleachtais um Rialachas Comhlachtaí Stáit (2016) agus chuir sé nósanna imeachta i bhfeidhm chun comhlíonadh an Chóid a chinntiú. Chomhlíon an tÚdarás an Cód Cleachtais um Rialachas Comhlachtaí Stáit sa bhliain 2024.



An Dr David Begg
Cathaoirleach

17 Meitheamh 2025



Brendan Kennedy
An Rialtóir Pinsean

17 Meitheamh 2025

2 San áireamh leis sin, tá ranníocaíocht an fhostóra le coiste sóisialta na foirne agus gníomhaíochtaí eile.

RÁITEAS MAIDIR LE RIALÚ INMHEÁNACH

Freagracht as an gcóras rialaithe inmheánaigh

Aithnínmise, thar ceann an Údaráis, go bhfuil sé de fhreagracht orainn a chinntiú go mbíonn córas éifeachtach rialaithe inmheánaigh airgeadais á choimeád agus á fheidhmiú. Tugtar na riachtanais faoin gCód Cleachtais um Rialachas Comhlachtaí Stáit (2016) san áireamh leis an bhfreagracht sin.

Cuspóir an chórais rialaithe inmheánaigh

Tá an córas rialaithe inmheánaigh deartha chun riosca a bhainistiú ar leibhéal infhulaingthe seachas chun é a dhíothú. Dá bhrí sin, ní féidir ach dearbhú réasúnta, nach bhfuil absalóideach, a thabhairt leis an gcóras go ndéantar sócmhainní a chosaint, idirbhearta a údarú agus a thaifeadadh i gceart, agus go ndéantar earráidí nó mírialtachtaí ábhartha a chosc nó a bhrath in am trátha.

Bhí an córas rialaithe inmheánaigh, atá ar aon dul le treoir arna heisiúint ag an Roinn Caiteachais Phoiblí, Sheachadadh PFN agus Athchóirithe, i bhfeidhm laistigh den Údarás don bhliain dar críoch an 31 Nollaig 2024 agus suas go dtí dáta fhaomhadh na ráiteas airgeadais.

An Coiste Iniúcháireachta agus Bainistíocht Riosca

Tháinig an ARC le chéile 5 huairé i gcaitheamh 2024.

Tá feidhm iniúchta inmheánaigh sheachfhoinsithe ag an Údarás freisin, ag a bhfuil acmhainní imleora agus a chuireann clár oibre chun feidhme arna chomhaontú leis an ARC.

Tá beartas bainistíochta riosca ag an Údarás, lena leagtar amach a inghlachtacht riosca, na próisis bainistíochta riosca atá i bhfeidhm agus lena sonraítear ról agus freagrachtaí na foirne maidir le riosca. Rinne an ARC an beartas agus na próisis bainistíochta riosca a fhaomhadh. Eisíodh an beartas do gach fostaí a bhfuiltear ag dúil go n-oibreoidh siad laistigh de phróisis bainistíochta riosca an Údaráis

Creatlach riosca agus rialaithe

Tá clár rioscaí ag an Údarás ina sainaithnítear bunrioscaí agus na bearta bainistíochta atá á ndéanamh, a oiread agus is féidir, chun na rioscaí sin a mhaolú. Rinneadh

meastóireacht ar na croírioscaí atá roimh an Údarás agus rangaíodh iad de réir a suntais. Déanann an lucht ardbhainistíochta, an ARC agus an tÚdarás athbhreithniú ar an gclár rioscaí go ráithiúil. Baintear úsáid as toradh na measúnuithe sin chun acmhainní a leithdháileadh d'fhonn a chinntiú go ndéantar rioscaí a bhainistiú go leibhéal inghlactha.

Deimhním go bhfuil timpeallacht rialaithe i bhfeidhm, ina bhfuil na heilimintí seo a leanas:

- Rinneadh nósanna imeachta maidir le gach príomhphróiseas gnó a dhoiciméadú.
- Tá freagrachtaí airgeadais sannta ar an leibhéal bainistíochta a bhfuil cuntasacht chomhfheagach ag baint leo.
- Tá córas buiséadaithe iomchuí ann le buiséad bliantúil atá coinnithe faoi athbhreithniú ag an lucht bainistíochta sinsearaí.
- Tá córais ann atá dírithe ar shlándáil na gcóras TFC a chinntiú.
- Tá córais i bhfeidhm chun sócmhainní an Údaráis a chosaint.

Monatóireacht agus athbhreithniú leanúnach ar rialuithe inmheánacha

Tá gnáthaimh fhoirmiúla curtha ar bun chun monatóireacht a dhéanamh ar phróisis rialaithe. Cuirtear easnaimh rialaithe in iúl dóibh siúd atá freagrach as iad a réiteach, don lucht bainistíochta, don ARC agus don Údarás, más cuí, go pras. Deimhním go bhfuil na córais mhonatóireachta a leanas i bhfeidhm:

- Sainaithníodh príomhrioscaí agus na rialuithe gaolmhara agus cuireadh próisis i bhfeidhm chun oibriú na bpríomhrialuithe sin a mhonatóiriú agus aon easnaimh arna sainaithint a thuairisciú.
- Bunaíodh socruithe tuairiscithe ar gach leibhéal ina bhfuil freagracht as bainistíocht airgeadais sannta.
- Déanann an lucht bainistíochta sinsearaí athbhreithniú rialta ar thuarascálacha airgeadais ina léirítear feidhmíocht i gcoinne buiséad/réamhaisnéisí.

Socruithe leanúnacha don obair hibrídeach

Thug an tÚdarás socrú oibre hibrídí isteach i mí Iúil 2022. Tríd is tríd, lean na fostaithe orthu ag obair go gairmiúil agus go rathúil, agus d'éirigh leo gach obair thosaíochta a dhéanamh, lena n-áirítear obair mhaoirseachta ó lá go lá agus freagraí a thabhairt ar fhiosrúcháin ar an teiléafón agus ar líne. Coinníodh na rialuithe airgeadais go léir ar bun agus d'oibrigh córais TF, an fheidhm earcaíochta agus an fheidhm soláthair go héifeachtach le linn na tréimhse sin.

An tionscadal forbartha bogearraí, an Córas Pinsean Comhtháite (IPS)

Cuireadh tús leis an obair ar chóras nua TF don Údarás in 2021, agus úsáid á baint as meascán de bhaill foirne agus conraitheoirí seachtracha. Ba é deireadh 2024 an dáta scaoilte a bhí beartaithe don chóras nua. Stop ceathrar príomhbhall foirne de bheith ag obair ar an tionscadal sin ag deireadh 2022/tús 2023.

Rinneadh anailís mhór ar na riachtanais a bhí bailithe agus ar an aistriú sonraí a bhí de dhíth chun tacú leis na riachtanais sin i R2 2024. Mar thoradh ar an bpróiseas anailíse sin, socraíodh R2 2026 mar an dáta scaoilte nuashonraithe.

Dá mbeadh an tionscadal IPS curtha i bhfeidhm de réir na hamlíne bunaidh ag deireadh 2024, bheadh thart ar €2.3 milliún i gceist leis na costais chun na bogearraí TFC a fhorbairt le hacmhainní seachtracha, seachas an costas réamh-mheasta reatha de €3.9 milliún. Is difríocht €1.6 milliún é sin, a méadaíodh go príomha trí shíneadh go dtí deireadh R2 2026 a chur leis an amlíne chun IPS 1.0 a sheachadadh. Meastar gur €1 milliún atá i gceist leis na costais d'acmhainní foirne inmheánaí don tionscadal IPS ó 2024 go dtí deireadh R2 2026.

D'fhaomh Bord an Údaráis an amlíne leasaithe agus na pleananna caiteachais chun an tionscadal IPS a sheachadadh ag an gcruinniú i mí na Nollag 2024.

Soláthar

Deimhním go bhfuil nósanna imeachta i bhfeidhm ag an Údarás chun a chinntiú go ndéantar rialacha agus treoirínte soláthair reatha a chomhlíonadh.

Athbhreithniú ar éifeachtacht rialuithe inmheánacha

Deimhním go bhfuil nósanna imeachta i bhfeidhm ag an Údarás chun monatóireacht a dhéanamh ar na nósanna imeachta bainistíochta agus rialaithe riosca dá chuid. Is í obair na n-íniúcháir, idir inmheánach agus sheachtrach, a chuireann bonn eolais faoi mhonatóireacht agus athbhreithniú an Údaráis ar éifeachtúlacht an chórais rialaithe airgeadais inmheánaigh. Tá lucht bainistíochta sinsearaí san Údarás freagrach as forbairt agus cothabháil an chreata rialaithe airgeadais inmheánaigh.

Deimhním go ndearna an tÚdarás athbhreithniú bliantúil ar éifeachtacht na rialuithe inmheánacha le haghaidh 2024 an 1 Aibreán 2025.

Saincheisteanna rialaithe inmheánaigh

Ní dhearnadh aon laigí sa rialú inmheánach a shainaitheint maidir le 2024 a n-éilítear iad a nochtadh sna ráitis airgeadais.

An Dr David Begg
Cathaoirleach

17 Meitheamh 2025

TUAIRISC AN ARD-REACHTAIRE CUNTAS AGUS CISTE



An tArd-Reachtair Cuntas agus Ciste Comptroller and Auditor General

Tuarascáil le cur faoi bhráid Thithe an Oireachtais

An tÚdarás Pinsean

Tuairim ar na ráitis airgeadais

Tá iniúchadh déanta agam ar ráitis airgeadais an Údaráis Pinsean don bhliain dar críoch an 31 Nollaig 2024 mar a éilítear de réir fhorálacha Alt 22 d'Acht na bPinsean, 1990. Tá sna ráitis airgeadais

- ráiteas ar ioncam agus caiteachas agus ar chúlchistí ioncaim coinnithe
- ráiteas ar ioncam cuimsitheach
- ráiteas ar staid an airgeadais
- ráiteas ar shreafaí airgid thirim, agus
- na nótaí gaolmhara, lena n-áirítear achoimre ar bheartais shuntasacha chuntasaíochta.

I mo thuairim féin, tugtar léargas fírinneach agus cóir leis na ráitis airgeadais ar shócmhainní, dlíteanais agus staid airgeadais an Údaráis Pinsean amhail an 31 Nollaig 2024 agus ar a ioncam agus a chaiteachas don bhliain 2024 de réir an Chaighdeán um Thuairisciú Airgeadais (FRS) 102 — *An Caighdeán um Thuairisciú Airgeadais is infheidhme sa RA agus i bPoblacht na hÉireann*.

Bunús leis an tuairim

Rinne mé m'iniúchadh ar na ráitis airgeadais de réir na gCaighdeán Idirnáisiúnta Iniúcháireachta (ISAnna) arna bhfógairt ag an Eagraíocht Idirnáisiúnta Uasfhoras Iniúcháireachta. Déantar cur síos ar mo chuid freagrachtaí faoi na caighdeáin sin san aguisín leis an tuarascáil seo. Tá mé neamhspleách ar an Údarás Pinsean agus tá mo chuid freagrachtaí eitiúla eile comhlíonta agam de réir na gcaighdeán.

Creidim go bhfuil an fhianaise iniúchta a fuair mé imleor agus iomchuí chun bunús a sholáthar le mo thuairim.

Tuarascáil ar fhaisnéis seachas na ráitis airgeadais, agus ar chúrsaí eile

Chuir an tÚdarás Pinsean faisnéis áirithe eile i láthair in éineacht leis na ráitis airgeadais. Cuimsítear leis an bhfaisnéis sin an tuarascáil bhliantúil, an ráiteas um rialachas agus tuarascáil chomhaltáí an Údaráis agus an ráiteas maidir le rialú inmheánach. Cuirtear síos ar mo chuid freagrachtaí chun tuairisciú ar fhaisnéis den sórt sin, agus ar ábhair áirithe eile ar a dtuairiscim de réir eisceachta, san aguisín leis an tuarascáil seo.

Tionscadal Forbartha Bogearraí an Chórais Chomhtháite Pinsean

Cuireadh tús leis an obair ar phríomhchóras nua teicneolaíochta faisnéise don Údarás in 2021, agus úsáid á baint as meascán de bhaill foirne de chuid an Údaráis agus conraitheoirí seachtracha. Nochtar sa ráiteas ar rialú inmheánach gur mheas an tÚdarás go mbeadh costas €2.3 milliún ar na hacmhainní conraitheora sheachtraigh a bheadh ag teastáil le haghaidh an tionscadail. Bhí sé beartaithe go mbeadh an tionscadal forbartha críochnaithe faoi dheireadh 2024.

Tuarascáil an Ard-Reachtaire

Titeadh ar gcúl ar sceideal forbartha an chórais nua, áfach. Tar éis anailís a dhéanamh ar riachtanais an tionscadail i lár 2024, tá an tÚdarás ag súil anois go mbeidh an tionscadal críochnaithe idir Aibreán agus Meitheamh 2026, agus ag meas go mbeidh costas €3.9 milliún ar na seirbhísí conraitheora le haghaidh an tionscadail.

Seamus McCarthy

Seamus McCarthy
An Ard-Reachtaire Cuntas agus Ciste

26 Meitheamh 2025

AGUISÍN LEIS AN TUARASCÁIL

Aguisín leis an

Freagrachtaí chomhaltaí an Údaráis

Mar a shonraítear sa ráiteas rialachais agus i dtuarascáil chomhaltaí an Údaráis, tá comhaltaí an Údaráis freagrach as

- ráitis airgeadais bhliantúla a ullmhú san fhoirm atá leagtha síos faoi alt 22 d'Acht na bPinsean, 1990
- chun a chinntiú go dtugtar léargas fírinneach agus cóir leis na ráitis airgeadais de réir FRS102
- rialtacht na n-idirbheart a chinntiú
- measúnú a dhéanamh ar cé acu an bhfuil nó nach bhfuil úsáid bhonn an ghnóthais leantaigh de chuntasaíocht iomchuí, agus
- a leithéid de rialú inmheánach agus a mheasann siad a bheith riachtanach chun ullmhú ráiteas airgeadais atá saor ó mhíshonrú ábhartha a chumasú, bíodh an míshonrú sin mar gheall ar chálaois nó earráid.

Freagrachtaí an Ard-Reachtaire Cuntas agus Ciste

Éilítear orm faoi Alt 22 d'Acht na bPinsean 1990 iniúchadh a dhéanamh ar ráitis airgeadais an Údaráis Pinsean agus tuairiscí orthu siúd do Thithe an Oireachtais.

Is é an chuspóir atá agam agus an t-iniúchadh á dhéanamh dearbhú réasúnta a fháil maidir le cé acu an bhfuil nó nach bhfuil na ráitis airgeadais ina n-íomláine saor ó mhíshonrú ábhartha mar gheall ar chálaois nó earráid. Is ionann dearbhú réasúnta agus ardléibhéal dearbhaithe, ach ní ráthaíocht é go mbraithfeair míshonrú ábhartha i gcónaí nuair atá sé ann le hiniúchadh arna chur chun feidhme de réir na ISAnna. D'fhéadfadh míshonruithe teacht chun cinn mar gheall ar chálaois nó earráid agus meastar ábhartha iad dá mbeifí ag súil ar bhonn réasúnta go mbeadh tionchar acu ar chinntí eacnamaíocha úsáideoirí arna nglacadh ar bhonn na ráiteas airgeadais seo.

Mar chuid d'iniúchadh de réir na ISAnna, bainim úsáid as breithiúnas gairmiúil agus coimeádaim sceipteachas gairmiúil ar feadh an iniúchta. Agus é sin á dhéanamh agam,

- Sainaithníim agus déanaim measúnú ar rioscaí de mhíshonrú ábhartha na ráiteas airgeadais cé acu mar gheall ar chálaois nó earráid; déanaim nósanna imeachta a dhearadh agus a chur chun feidhme atá freagrúil do na rioscaí sin; agus faighim fianaise iniúchta atá imleor agus iomchuí chun bunús a thabhairt le mo thuairim. Tá an riosca nach mbraitear míshonrú ábhartha mar thoradh ar chálaois níos airde ná an riosca de mhíshonrú mar thoradh ar earráid, mar d'fhéadfadh claonpháirteachas, brionnú, easnaimh d'aon turas, mífhaisnéis, nó gabháil treise ar rialú inmheánach a bheith i gceist.
- Faighim tuiscint ar rialú inmheánach atá ábhartha don iniúchadh d'fhonn nósanna imeachta a dhearadh atá iomchuí sna himthosca, ach ní chun críocha tuairim a léiriú ar éifeachtacht na rialuithe inmheánacha.
- Déanaim measúnú ar oiriúnacht na mbeartas cuntasaoíochta arna n-úsáid agus ar réasúntacht na meastachán cuntasaoíochta agus nochtuithe gaolmhara.

- Bainim de thátal as oiriúnacht úsáid bhonn an ghnóthais leantaigh de chuntasaíocht agus, bunaithe ar fhianaise an iniúchta a fhaightear, cé acu an bhfuil nó nach bhfuil neamhchinnteacht ábhartha ann a bhaineann le himeachtaí nó dálaí lena bhféadfaí amhras suntasach a chur i gcumas an Údaráis Pinsean leanúint mar ghnóthas leantach. Má bhainim de thátal as go bhfuil neamhchinnteacht ábhartha ann, éilítear orm aird a tharraingt i mo thuarascáil ar na nochtuithe gaolmhara sna ráitis airgeadais nó, mura bhfuil a leithéid de nochtuithe imleor, mo thuairim a mhionathrú. Tá mo chuid tátal bunaithe ar fhianaise iniúchta a fuarthas suas go dtí dáta mo thuarascála. D'fhéadfadh imeachtaí nó dálaí amach anseo, áfach, a bheith ina gcúis le scor an Údaráis Pinsean de leanúint mar ghnóthas leantach.
- Déanaim measúnú ar chur i láthair, struchtúr agus inneachar foriomlán na ráiteas airgeadais, lena n-áirítear na nochtuithe, agus cibé an léirítear na hidirbhearta agus imeachtaí bunúsacha leis na ráitis airgeadais ar bhealach lena mbaintear cur i láthair chothrom amach.

Déanaim cumarsáid leo siúd a bhfuil rialachas mar thasc acu maidir le raon feidhme agus uainiú beartaithe an iniúchta agus torthaí suntasacha an iniúchta, i measc nithe eile, lena n-áirítear aon easnaimh shuntasacha sa rialú inmheánach a shainaithníim le linn m'iniúchta.

Tugaim tuairisc de réir eisceachta sa chás, i mo thuairim,

- nach bhfuair mé gach faisnéis agus miniúchán a theastaigh uaim i dtaca le m'iniúchadh, nó
- nach raibh taifid chuntasaíochta na Cuideachta imleor le cur ar ár gcumas na ráitis airgeadais a iniúchadh i gceart, gan bhac, nó
- nach bhfuil na ráitis airgeadais ag teacht leis na taifid chuntasaíochta.

Faisnéis seachas na ráitis airgeadais

Ní chlúdaítear faisnéis eile arna cur i láthair leis na ráitis airgeadais le mo thuairim ar na ráitis sin, agus ní léiríim aon fhoirm de thátal dearbhaithe ina leith.

I dtaca le m'iniúchadh ar na ráitis airgeadais, éilítear orm faoi na ISAnna an fhaisnéis eile arna cur i láthair a léamh agus, trí sin a dhéanamh, machnamh a dhéanamh maidir le cé acu an bhfuil nó nach bhfuil an fhaisnéis eile ar neamhréir go hábhartha leis na ráitis airgeadais nó le heolas arna fháil le linn an iniúchta, nó má tá an cuma air go bhfuil an fhaisnéis míshonraithe go hábhartha. Má bhainim de thátal as, bunaithe ar an obair atá curtha chun feidhme agam, go bhfuil an fhaisnéis eile sin míshonraithe go hábhartha, éilítear orm an fhírce sin a thuairisciú.

Tuairiscí ar nithe eile

Déantar m'iniúchadh trí thagairt do na gnéithe speisialta a bhaineann le comhlachtaí Stáit ó thaobh a mbainistithe agus a bhfeidhmíthe de. Tuairiscím má aithníim gnóthaí ábhartha a bhaineann leis an mbealach a ndearnadh gnó poiblí.

Déanaim iarracht fianaise a fháil faoi rialtacht na n-idirbheart airgeadais i rith an iniúchta. Tuairiscím má aithníim aon chás ábhartha nuair nár cuireadh airgead poiblí i bhfeidhm le haghaidh na críche beartaithe nó nuair nár chloigh na hidirbhearta leis na húdaráis a rialaíonn iad.

RÁITEAS AR IONCAM AGUS CAITEACHAS AGUS AR CHÚLCHISTÍ IONCAIM COINNITHE

Don bhliain dar chríoch an 31 Nollaig 2024			
		2024	2023
	Nótaí	€	€
Ioncam			
Táillí ar scéimeanna pinsin ceirde		5,659,740	5,904,155
Táillí ar chuntais coigiltis scoir phearsanta		6,532,150	4,886,355
Ioncam eile	2	115,172	55,928
lomlán an ioncaim		12,307,062	10,846,438
Caiteachas			
Íocaíocht	3	8,070,957	7,305,871
Táillí chomhaltaí an Údaráis	5	20,520	20,520
Cíos agus costais oifige	6	821,380	1,163,075
Costais oiliúna, oideachais, agus costais a bhaineann leis an bhfoireann	7	149,622	198,289
Faisnéis, taighde, agus poiblíocht	8	231,425	283,993
Táillí gairmiúla	9	641,442	700,911
Riarachán ginearálta	10	917,463	1,066,150
Dímheas	11	129,399	167,969
lomlán an chaiteachais		10,982,208	10,906,778
Barrachas/(easnamh) don bhliain		1,324,854	(60,340)
Cúlchiste ioncaim ar 1 Eanáir		6,101,070	6,161,410
Barrachas/(easnamh) don bhliain		1,324,854	(60,340)
An cúlchiste ioncaim amhail ar an 31 Nollaig		7,425,924	6,101,070

Tá an ráiteas ar shreafaí airgid agus Nóta 1 go dtí Nóta 22 ina gcuid de na ráitis airgeadais seo.



An Dr David Begg
Cathaoirleach

17 Meitheamh 2025



Brendan Kennedy
An Rialtóir Pinsean

17 Meitheamh 2025

RÁITEAS AR IONCAM CUIMSITHEACH

Don bhliain dar chríoch an 31 Nollaig 2024			
		2024	2023
	Nótaí	€	€
Barrachas/(easnamh) don bhliain		1,324,854	(60,340)
Gnóthachain/(caillteanais) ó thaithí ar oibleagáidí sochair scoir ³	18	37,000	(276,000)
Athrú ar na toimhdí atá mar bhunús do luach reatha d'oibleagáidí sochair scoir		603,000	(1,159,000)
Coigeartú ar mhaoiniú sochar scoir	18	(640,000)	1,435,000
Ioncam cuimsitheach iomlán don bhliain		1,324,854	(60,340)

Tá an ráiteas ar shreafaí airgid agus Nóta 1 go dtí Nóta 22 ina gcuid de na ráitis airgeadais seo.



An Dr David Begg
Cathaoirleach

17 Meitheamh 2025



Brendan Kennedy
An Rialtóir Pinsean

17 Meitheamh 2025

³ Léirítear le “gnóthachain ó thaithí ar oibleagáidí sochair scoir” an tionchar ar an luacháil dliteanais atá ag difríochtaí idir na toimhdí a rinneadh ag tús na bliana agus an taithí iarbhrí i rith na bliana. Mar shampla, tagann gnóthachan nó caillteanas chun cinn mar thoradh ar dhifríocht idir luachanna measta agus iarbhrí i gcás faisnéis bhásmhaireachta, boilsciú, boilsciú tuarastail, agus méaduithe ar phinsin.

RÁITEAS AR AN STAID AIRGEADAIS

Amhail ar an 31 Nollaig 2024			
		2024	2023
	Nótaí	€	€
Sócmhainní neamhreatha			
Réadmhaoín, gléasra agus trealamh	11	2,447,721	1,353,849
Sócmhainní reatha			
Infháltais	12	826,222	1,118,682
Airgead tirim agus coibhéisí airgid thirim	17	6,706,506	6,650,653
		7,532,728	7,769,335
Suimeanna ó chreidiúnaithe dlite laistigh de 1 bhliain amháin			
Suimeanna iníoctha	13	1,054,524	1,522,114
Glansócmhainní reatha		6,478,203	6,247,221
Glansócmhainní roimh shochair scoir		8,925,924	7,601,070
Sochair Scoir			
Dliteanas sochair scoir	18	(30,864,000)	(29,528,000)
Maoiniú sochair scoir iarchurtha ón státchiste	18	30,864,000	29,528,000
Glansócmhainní tar éis sochar scoir		8,925,924	7,601,070
Lena léirítear			
Cúlchiste forfheidhmithe comhlíontachta	15	1,500,000	1,500,000
Cúlchiste ioncaim	15	7,425,924	6,101,070
Iomlán		8,925,924	7,601,070

Tá an ráiteas ar shreafaí airgid agus Nóta 1 go dtí Nóta 22 ina gcuid de na ráitis airgeadais seo.



An Dr David Begg
Cathaoirleach

17 Meitheamh 2025



Brendan Kennedy
An Rialtóir Pinsean

17 Meitheamh 2025

RÁITEAS AR SHREAFÁÍ AIRGID

Don bhliain dar chríoch an 31 Nollaig 2024			
		2024	2023
	Nótaí	€	€
Glan-insreabhadh/(eis-sreabhadh) airgid de thoradh gníomhaíochtaí oibriúcháin	16	1,163,950	851,086
Sreafaí airgid ó ghníomhaíochtaí maoinithe Ús faighte		115,173	55,789
Sreafaí airgid ó ghníomhaíochtaí infheistíochta Íocaíochtaí chun réadmhaoin, gléasra agus trealamh a cheannach		(1,223,271)	(831,255)
Íocaíochtaí ó chuntais taisce ghearrthéarmacha		0	0
Méadú/(Laghdú) ar airgead tirim agus ar choibhéisí airgid thirim sa bhliain		55,852	75,620
Réiteach an ghlansreabhaidh airgid le gluaiseacht na nglanchistí	17		
Méadú/(Laghdú) ar ghlanchestí sa bhliain		55,852	75,620
Glanchestí ar an 1 Eanáir		6,650,654	6,575,033
Glanchestí ar an 31 Nollaig		6,706,506	6,650,653

NÓTAÍ A GHABHANN LEIS NA RÁITIS AIRGEADAIS

Don bhliain dar chríoch an 31 Nollaig 2024

1. Beartais chuntasaíochta

Leagtar amach thíos an bunús cuntasaíochta agus beartais thábhachtacha chuntasaíochta atá glactha ag an Údarás. Cuireadh na beartais sin ar fad i bhfeidhm go comhsheasmhach i rith na bliana agus don bhliain roimhe sin.

a) Eolas Ginearálta

Cuireadh an tÚdarás ar bun faoin Acht, agus príomhoifig aige ag Teach Verschoyle, 28-30 Sráid an Mhóta Íochtarach, Baile Átha Cliath 2.

Is iad seo a leanas príomhchuspóirí an Údaráis mar a leagtar amach i gCuid 10 den Acht iad:

- faireachán agus maoirseacht a dhéanamh ar oibriú an Aichta seo agus ar fhorbairtí i gcúrsaí pinsean i gcoitinne,
- comhairle a thabhairt don Aire, ar iarratas uaidh nó ar a chonlán féin, i dtaobh gach ní a bhaineann leis na feidhmeanna a shanntar don Údarás faoin Acht seo agus i dtaobh nithe a bhaineann le pinsin i gcoitinne,
- treoirínte a eisiúint maidir le dualgaí agus freagrachtaí iontaobhaithe scéimeanna agus cóid chleachtais a eisiúint maidir le gnéithe sonracha dá chuid freagrachtaí,
- spreagadh a thabhairt le go gcuirfear saoráidí oiliúna iomchuí ar fáil d'iontaobhaithe scéimeanna,
- comhairle a thabhairt don Aire i dtaobh caighdeán d'iontaobhaithe scéimeanna agus i dtaobh na caighdeáin sin a chur i ngníomh,
- tuarascáil bhliantúil, agus cibé tuarascálacha eile is dóigh leis is gá ó am go ham, a fhoilsiú, agus
- cibé tascanna a dhéanamh a iarrfaidh an tAire ó am go ham.

Eintiteas Sochair Phoiblí atá san Údarás.

Is in euro atá na ráitis airgeadais ainmnithe.

b) Ráiteas comhlíontachta

Ullmhaíodh na ráitis airgeadais i gcomhréir leis an reachtaíocht is infheidhme agus le FRS102, an Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann, arna eisiúint ag an gComhairle um Thuairisciú Airgeadais sa Ríocht Aontaithe.

c) Bonn a n-ullmhaithe

Tá na ráitis airgeadais ullmhaithe faoin modh fabhráithe cuntasaíochta, ar bhonn an ghnóthais

leantaigh agus de réir choinbhinsiún an chostais stairiúil, mura bhfuil a mhalairt luaite, sa leagan amach atá faofa ag an Aire Coimirce Sóisialaí le comhthoiliú an Aire Caiteachais Phoiblí, Sheachadadh PFN agus Athchóirithe, de réir Alt 22(1) den Acht.

Cuireadh na beartais chuntasaíochta seo a leanas i bhfeidhm go comhsheasmhach nuair a bhí plé á dhéanamh le míreanna a mheastar le bheith bainteach le ráitis airgeadais an Údaráis.

d) Forchúitimh ón Oireachtas

Is éard atá i bhforchúitimh ón Oireachtas ná an méid a chuir an Roinn Coimirce Sóisialaí ar fáil i leith na bliana chun costais na sochar aoisliúntais a d'foc an tÚdarás a fhorchúiteamh. Aithnítear forchúitimh ón Oireachtas sa bhliain inar íocadh na pinsin bhainteacha.

e) Ioncam ó táillí

i) Táillí ar scéimeanna pinsean ceirde

Bíonn na táillí iníoctha ag iontaobhaithe scéime leis an Údarás de réir alt 25 den Acht. Tá na rátaí táille atá iníoctha le haghaidh 2024 leagtha amach in Ionstraimí Reachtúla Uimh. 773 agus 774 de 2021 - Na Rialacháin um Scéimeanna Pinsin Ceirde (Táillí) (Leasú), 2021.

Tá na táillí i leith grúpscéimeanna iníoctha ar bhonn na bliana REATHA agus tá na táillí i leith scéimeanna baill aonair iníoctha aon bhliain amháin i riaráiste.

Aithníonn an tÚdarás go ndéantar na táillí ar fad atá dlite mar ioncam ar bhonn na bliana féilire agus na táillí atá dlite i leith scéimeanna baill aonair a chur san áireamh mar fhéichiúnaithe ag deireadh na bliana.

ii) Táillí PRSA

Gearrtar suimeanna atá dlite i leith táillí iarratais, táirge, agus bliantúla ar sholáthróirí Cuntas Coigiltis Scoir Pearsanta (PRSA). Déantar na táillí bliantúla PRSA a ríomh trí thagairt do líon na dtáirgí cláraithe ceadaithe agus do luach na gcistí atá faoi bhainistiú ag an soláthróir amhail ag deireadh na bliana roimhe.

Tá na rátaí táille atá iníoctha faoi láthair leagtha amach in Ionstraim Reachtúil Uimh. 506 de 2002 - Na Rialacháin um Chuntais Coigiltis Scoir Phearsanta (Táillí) (Leasú), 2002.

f) Réadmhaoin, gléasra agus trealamh

Sonraítear réadmhaoin, gléasra agus trealamh ar a gcostas lúide dímheas carnach. Gearrtar dímheas sa ráiteas ioncaim agus caiteachais agus cúlchistí ioncaim ar bhonn líne dírlí, ón tráth a chuirtear an tsócmhainn i bhfeidhm. Feidhmítear dímheas ag na rátaí bliantúla atá leagtha amach thíos, ionas gur féidir sócmhainní a dhíscríobh, coigeartaithe ó thaobh luach measta iarmharach, thar shaol ionchais gach catagóire cuí.

• Feabhsú ar léasacht	6¾%	15 bliana
• Trealamh ríomhaireachta	25%	4 bliana
• Trosacán oifige	12½%	8 mbliana
• Trealamh oifige	20%	5 bliana

Léirítear leis an luach iarmharach an méid measta a gheofaí faoi láthair ó dhiúscairt sócmhainne, tar éis costas measta na diúscartha a asbhaint, dá mbeadh an tsócmhainn sin ar aois agus sa riocht lena mbeifí ag súil ag deireadh a saolré úsáidí.

Má tá fianaise oibiachtúil ann ar laghdú ar luach sócmhainne, aithnítear caillteanas lagaithe sa ráiteas ar ioncam agus ar chaiteachas agus sna cúlchistí ioncaim coinnithe sa bhliain.

g) Léas oibriúcháin

Caitear le híocaíochtaí cíosa sa ráiteas ar ioncam agus ar chaiteachas agus sna cúlchistí ioncaim coinnithe sa bhliain lena mbaineann siad.

h) Sochair scoir (féach nóta 18)

Cineál scéimeanna

Tá scéimeanna pinsin sochar sainithe seo a leanas i bhfeidhm i gcás fostaithe de chuid an Údaráis:

I gcás fostaithe a ceapadh roimh an 1 Eanáir 2013:

- Scéim Aoisliúntais an Údaráis Pinsean, 1993, agus an Scéim Pinsean Ranníocach Céilí agus Leanaí, 1993, agus tá struchtúr na scéime bunaithe ar eiseamláir na Seirbhíse Poiblí (an ‘Scéim Eiseamláireach’).

I gcás fostaithe a ceapadh tar éis an 1 Eanáir 2013:

- Scéim Aonair Pinsean na Seirbhíse Poiblí – tugann an struchtúr seo pinsin le sochar sainithe atá nasctha leis an bpraghasinnéacs tomhaltóirí agus atá bunaithe ar mheánphá gairmréime (an ‘Scéim Aonair’).

Is é an Státchiste a mhaoiníonn sochair phinsin. Tá roinnt gnéithe ar leith ag baint le socruithe an Údaráis:

- Déanann an tÚdarás ranníocaíochtaí comhaontaithe leis an Roinn Coimirce Sóisialaí do Scéim Aoisliúntais an Údaráis Pinsean, 1993, agus do Scéim Pinsean Ranníocach Céilí agus Leanaí an Údaráis, 1993, agus leis an RCPSPFNA don Scéim Pinsean Seirbhíse Poiblí Aonair.
- Cuimsíonn na ranníocaíochtaí don dá scéim gné fostaithe agus gné fostóra.
 - Tá ranníocaíochtaí fostóra do Scéim Aoisliúntais an Údaráis Pinsean, 1993, agus don Scéim Pinsean Ranníocach Céilí agus Leanaí, 1993 cothrom le 25% de phá comhlán fostaithe a íocann ÁSPC ar ráta A agus le 30% de phá comhlán fostaithe a íocann ÁSPC ar ráta D.
 - Is ionann an ranníocaíocht fostóra a íocann an tÚdarás le Scéim Pinsean Aonair na Seirbhíse Poiblí agus trí oiread ranníocaíocht an fhostáí.
- Tá gealltanais follasach tugtha ag an Roinn Coimirce Sóisialaí, le comhaontú na Roinne Caiteachais Phoiblí, Sheachadadh PFN agus Athchóirithe, go n-íocfaidh an Státchiste na costais nuair a bheidh siad dlite.
- Aithnítear sócmhainn atá comhfhreagrach leis an dliteanas neamh-mhaoinithe iarchurtha i gcomhair sochar scoir ar an Scéim Aonair ar bhonn fhorálacha alt 44 den Acht um Pinsin na Seirbhíse Poiblí (Scéim Aonair agus Forálacha Eile), 2012.

Go bunúsach, measann an tÚdarás gur leis an Údarás féin a fhanann an oibleagáid sochair phinsin a íoc ach go bhfuil gealltanais tugtha ag an Státchiste cistí leordhóthanacha a chur ar fáil don Údarás chun oibleagáidí den sórt sin a íoc de réir mar a bheidh siad dlite. Tá sé seo ar an mbonn go n-íocann an tÚdarás ranníocaíochtaí na bhfostaithe agus an fhostóra ar rátaí arna sonrú ag an Roinn iomchuí mar atá leagtha amach thuas.

Dá réir sin, aithnítear sna ráitis airgeadais oibleagáid sochair pinsin iarchurtha agus maoiniú pinsin infhála iarchurtha ón státchiste araon, agus tá sonraí iomlána ar íocaíochtaí sochair aoisliúntais san áireamh sna ráitis airgeadais mar mhír chaiteachais agus is ann d’ioncam comhfhreagrach a sheasann d’fhorchúiteamh na n-íocaíochtaí ón Roinn Coimirce Sóisialaí.

Gnóthachain nó caillteanais achtúireacha na scéime

Aithnítear gnóthachain nó caillteanais achtúireacha a eascraíonn as athruithe ar thoimhdí achtúireacha agus as barrachais agus easnaimh ó thaithí sa bhliain ina dtarlaíonn siad agus aithnítear coigeartú comhfhreagrach ar an iarmhéid le haghaidh maoiniú sochair scoir iarchurtha ón státchiste. Is iad costais phinsin sa ráiteas ar ioncam agus caiteachas agus ar chúlchistí ioncaim coinnithe atá i gceist le ranníocaíocht an fhostóra sa bhliain.

Dlíteanais scéime

Tomhaistear dlíteanais scéime ag luach reatha na n-íocaíochtaí pinsin sa todhchaí atá tuillte go dtí seo ag foireann an Údarás ar bhonn achtúireach ag úsáid mhodh an aonaid réamh-mheasta. Léiríonn costais phinsin na sochair phinsin atá tuillte ag fostaithe. Déantar an méid atá le háireamh sna ráitis airgeadais mar mhaoiniú sochair iarchurtha ón státchiste a mheas mar mhéid atá comhionann le meastachán na hoibleagáide maidir le dlíteanais na scéime pinsin.

i) Cúlchiste forfheidhmithe comhlíonta

Ós rud é gur comhlacht rialála reachtúil é an tÚdarás a bhfuil de chúram air monatóireacht a dhéanamh ar chomhlíonadh fhorálacha an Ahta, bíonn ar an Údarás dul chun dlí ó am go chéile.

D'fhéadfadh sé go dtarraingeodh a leithéid de chaingean costais shuntasacha ar an Údarás i gcásanna áirithe. Ní féidir a thuairim a thabhairt ar gcásanna den sórt sin chun cinn ná cá mhéad a chosnóidís, ach tá an tÚdarás den tuairim gur stuama an rud é a leithéid de chostais a roinnt thar na blianta d'fhonn a chinntiú go mbeadh fáil ar a dhóthain acmhainní in am an ghatair.

Aistrítear suimeanna ón ráiteas ar ioncam agus caiteachas agus ar chúlchistí ioncaim coinnithe chuig an gcúlchiste forfheidhmithe comhlíontachta dá réir sin nuair a mheastar stuama nó riachtanach.

Aistrítear suimeanna ón gcúlchiste forfheidhmithe comhlíontachta chuig an ráiteas ar ioncam agus caiteachas agus ar chúlchistí ioncaim coinnithe i gcás imeachtaí móra dlí, .i. achomharc ar chaingne dlí san Ard-Chúirt.

j) Breithiúnais agus meastacháin chuntasaíochta chriticiúla

Chun na ráitis airgeadais a ullmhú, bíonn ar an lucht bainistíochta breithiúnais, meastacháin agus toimhdí a dhéanamh a mbíonn tionchar acu ar na méideanna arna dtuairisciú le haghaidh sócmhainní agus dlíteanas amhail dáta an chláir chomhardaithe agus na méideanna arna dtuairisciú d'ioncaim agus do

chaiteachais i rith na bliana. Mar sin féin, d'fhéadfadh na torthaí iarbhair a bheith éagsúil leis na meastacháin sin mar gheall ar nádúr an mheastacháin féin.

Is iad na breithiúnais seo a leanas is mó a chuaigh i gcion ar na méideanna atá aitheanta sna ráitis airgeadais.

Dímheas agus luachanna iarmharacha

Tá athbhreithniú déanta ag an Údarás ar shaol na sócmhainní agus ar na luachanna iarmharacha gaolmhara i gcás gach aicme sócmhainne seasta agus, go háirithe, ar shaolré eacnamaíoch fhónta agus ar luachanna iarmharacha daingneán agus feisteas, agus chinn sé gur iomchuí saolré na sócmhainní agus na luachanna iarmharacha.

Oibleagáid sochair scoir

Maidir leis na toimhdí atá faoi na luachálacha achtúireacha lena gcinntear na méideanna atá aitheanta sna ráitis airgeadais (lena n-áirítear rátaí lascaire, rátaí an mhéadaithe i leibhéil chúitimh sa todhchaí, rátaí básmhairreachta agus rátaí treochta ar chostas cúraim sláinte), déantar iad a thabhairt chun dáta gach bliain bunaithe ar na dálaí geilleagracha reatha agus le haghaidh aon athruithe ábhartha ar théarmaí agus ar choinníollacha na bpleananna pinsin agus iarscoir. Is ionann bonn an ghnóthais leantaigh agus breithiúnas criticiúil freisin.

Is féidir leis na nithe seo a leanas dul i gcion ar na toimhdí sin:

- an ráta lascaire, athruithe ar an ráta fáltais ar bhannaí corparáideacha ardchaighdeán, agus
- leibhéil chúitimh amach anseo, dálaí i margadh an tsaothair amach anseo.

2. Ioncam eile

	2024 €	2023 €
Ioncam ó ús	115,173	55,789
Aisghabháil costas ionchúisimh	0	0
Ioncam ilghnéitheach	0	139
Iomlán	115,173	55,928

3. Íocaíocht

B'ionann meánlíon na bhfostaithe coibhéise lánaimseartha le linn na bliana agus 90 (2023, 84) agus b'ionann an Creat Rialaithe Fostaíochta (CRF) agus 112 ag deireadh 2024 (2023, 111). Is mar seo a leanas a bhí na costais chomhiomlána fostaithe agus párolla:

	2024 €	2023 €
Tuarastail	6,095,824	5,605,335
Ranníocaíochtaí aoisliúntais an fhostóra	1,117,881	1,047,133
Ranníocaíochtaí ÁSPC an fhostóra	628,194	579,328
Foireann ghníomhaireachta/shealadach	229,058	74,075
Iomlán	8,070,957	7,305,871

Príomhphearsanra bainistíochta

Ba iad an Rialtóir Pinsean, Ceann na nOibríochtaí (Airgeadas) agus beirt Stiúrthóirí nua an príomhphearsanra bainistíochta san Údarás in 2024. Tá luach iomlán na sochar gearrthéarmach fostaithe maidir le príomhphearsanra bainistíochta leagtha amach thíos:

	2024 €	2023 €
Tuarastail ⁴	501,452	303,629

Miondealú ar shochair ghearrthéarmacha fostaithe⁵

Déantar sochair ghearrthéarmacha fostaithe níos mó ná €60,000 a chatagóiriú sna bandaí a leanas:

Raon na sochar iomlán d'fhostaithe		Líon na bhfostaithe	
Ó€	Go €	2024	2023
€ 60,000	€69,999	16	5
€70,000	€79,999	9	12
€80,000	€89,999	8	9
€ 90,000	€99,999	8	1
€100,000	€109,999	3	4
€110,000	€119,999	2	2
€120,000	€129,999	1	4
€130,000	€139,999	3	0
€140,000	€149,999	0	0
€150,000	€159,999	0	0
€160,000	€169,999	0	0
€170,000	€179,999	0	1
€180,000	€189,999	1	0

4 Tá na figiúirí ag teacht leis na gráid mar atá leagtha amach i gCiorclán 14/2024. Ní áirítear luach na sochar scoir arna dtuilleamh sa tréimhse lena bhfuil thuas. Tá gach duine den phríomhphearsanra bainistíochta ina bhall de scéim pinsin an Údaráis agus ní sháraíonn na teidlíochtaí pinsin téarmaí na scéime eiseamláireaf pinsin seirbhíse poiblí.

5 Maidir leis an nochtadh faisnéise seo, áirítear le sochair ghearrthéarmacha fostaithe a bhaineann le seirbhísí a tugadh le linn na tréimhse tuairiscithe tuarastal, liúntais ragoibre agus íocaíochtaí eile a dhéantar thar ceann an fhostáí, ach níl ÁSPC fostóra san áireamh.

4. Luach saothair an Rialtóra Pinsean⁶

	2024 €	2023 €
Tuarastal	184,552	176,435
Ranníocaíocht aoisliúntais an fhostóra	46,138	44,109
lomlán	230,690	220,544

Tá an Rialtóir Pinsean ina bhall de scéim Aoisliúntais Foirne an Údaráis agus ní sháraíonn a theidlíochtaí pinsin na gnáth-theidlíochtaí atá leagtha amach i samhail scéim aoisliúntais na hearnála poiblí le sochar sainithe. Ní áirítear luach na sochar scoir arna dtuilleamh sa tréimhse lena bhfuil thuas.

5. Táillí chomhaltaí an Údaráis

Ainm	2024 €	2023 €
David Begg - Cathaoirleach	20,520	20,520

6. Cíos agus costais oifige

	2024 €	2023 €
Cíos ⁷	712,488	771,735
Táille sheirbhíse	187,330	166,703
Rátaí	(141,046)	109,127
Leictreachas	27,887	39,732
Glantachán	23,516	22,192
Cothabháil ghinearálta	9,770	49,544
Stóras lasmuigh den láthair	1,435	4,042
lomlán	821,380	1,163,075

Tá an tÚdarás lonnaithe in áitreabh oifigí ar an gcéad, dara agus ceathrú hurlár agus i mbonnlach ag Teach Verschoyle, Sráid an Mhóta Íochtarach, Baile Átha Cliath 2, faoi léas 25 bliana, ar cuireadh tús leis an 16 Iúil 2001. Rinne an tÚdarás léas breise le haghaidh an tríú hurlár de Theach Verschoyle ón 21 Deireadh Fómhair 2016 go dtí an 15 Iúil 2026.

6 San áireamh i gCostais fostaithe i nóta 3. Ní raibh aon íocaíochtaí ragoibre ann in 2024.

7 Mar chuid den chíos in 2024 tá €100,000 chun dul i ngleic le trochlú toisc go rachaidh an léas reatha oifige in éag in Iúil 2026.

7. Costais oiliúna, oideachais, agus costais a bhaineann leis an bhfoireann

	2024 €	2023 €
Oiliúint agus oideachas	140,815	186,599
Costais a bhaineann leis an bhfoireann ⁸	8,807	11,690
Iomlán	149,622	198,289

8. Faisnéis, taighde, agus poiblíocht

	2024 €	2023 €
Fógraíocht agus gníomhaíochtaí rannpháirtíochta	182,675	208,556
Clódóireacht, foilseacháin, agus láithreán gréasáin	48,750	75,437
Iomlán	231,425	283,993

9. Táillí gairmiúla

	2024 €	2023 €
Comhairle dhlí	304,982	370,536
Tacaíocht d'iniúchtaí agus do chomhlíonadh	102,676	88,552
Comhairleacht taighde	0	8,918
Táillí ar iniúchadh inmheánach	57,036	54,921
Táillí ar iniúchadh reachtúil	26,200	25,000
Comhairleacht agus fógraíocht earcaíochta	28,256	21,266
Eile ⁹	122,294	131,718
Iomlán	641,444	700,911

⁸ Áirítear ranníocaíochtaí le coiste sóisialta na foirne agus gníomhaíochtaí eile leis.

⁹ Áirítear iniúchadh slándála TFC agus comhairle theicniúil AD leis seo.

10. Riarachán ginearálta

	2024 €	2023 €
Costais stáiseanóireachta agus riaracháin ¹⁰	29,921	32,318
Síntiúis chorparáideacha	255,290	243,499
Teileafón agus postas	18,687	21,147
Cothabháil ríomhairí agus tomhaltáin	517,147	658,667
Taisteal agus cothú ¹¹	19,521	19,404
Árachas	73,793	87,305
Táillí bainc	3,104	3,810
Iomlán	917,463	1,066,150

11. Réadmhaoin, gléasra agus trealamh¹²

	Feabhsú ar léasacht €	Trealamh ríomhaireachta €	Oifig troscán €	Trealamh oifige €	Obair chaipitil idir lámha €	Iomlán €
Costas nó luacháil						
Amhail ar an 1 Eanáir 2024	1,329,264	1,694,151	32,239	7,442	1,038,504	4,101,600
Breiseanna sa bhliain		38,811	0	0	1,184,460	1,223,271
Aistriú chuig trealamh ríomhaireachta						
Diúscairt sa bhliain	0	0	0	0	0	0
Amhail ar an 31 Nollaig 2024	1,329,264	1,732,962	32,239	7,442	2,222,964	5,324,871
Dímheas Carntha						
Amhail ar an 1 Eanáir 2024	1,195,504	1,512,736	32,069	7,442	0	2,747,751
Diúscairt sa bhliain	0	0	0			0
Muirear don bhliain	12,436	116,793	170	0	0	129,399
Amhail ar an 31 Nollaig 2024	1,207,940	1,629,529	32,239	7,442	0	2,877,150
Glanluach de réir na leabhar						
Amhail an 31 Nollaig 2023	133,760	181,414	171	0	1,038,504	1,353,849
Amhail ar an 31 Nollaig 2024	121,324	103,433	0	0	2,222,964	2,447,721

10 San áireamh tá táillí €5,525 a bhain leis an ARC.

11 San áireamh i gcostais taistil agus cothaithe bhí:

a) Taisteal thar lear - €17,392 (lena n-áirítear €10,918 ar thaisteal thar lear don Rialtóir Pinsean).

b) Costais an Rialtóir Pinsean - €11,146 (lena n-áirítear €10,918 ar thaisteal thar lear) (2023 - €10,373).

12 Áirítear leis an obair chaipitil idir lámha obair forbartha ar Chóras Comhtháite Inmheánach Pinsean, rud nach bhfuil dímheas déanta air go fóill. Ní dhímheastar obair forbartha go dtí go mbíonn an tsócmhainn á húsáid. Ní dhéantar ach an obair forbartha a dhéanann conraitheoirí seachtracha a chaipitliú.

12. Infháltais

Suimeanna a bheidh dlite laistigh de bhliain amháin:	2024 €	2023 €
Ioncam ó tháillí	481,607	647,489
Réamhíocaíochtaí	267,765	298,972
Féichiúnaithe, eile	76,850	172,221
iomlán	826,222	1,118,682

13. Suimeanna iníoctha

Suimeanna a bheidh dlite laistigh de bhliain amháin:	2024 €	2023 €
Fabhruithe creidiúnaithe	532,207	1,020,617
Pá saoire fabhraithe	98,388	65,024
Creidiúnaí cánach	246,892	248,991
Creidiúnaithe trádála	177,037	187,482
iomlán	1,054,524	1,522,114

14. Ceangaltais airgeadais

(i) Ceangaltais chaipitil

Amhail an 31 Nollaig 2024, tá conradh um tharraingt anuas seirbhísí TFC i bhfeidhm don tionscadal forbartha bogearraí, an Córas Pinsin Comhtháite (IPS). Níl aon ghealltanais caiteachais ann sa chonradh, ach amhail ar an dáta a síníodh na ráitis airgeadais, níl sé ar intinn deireadh a chur leis an tionscadal IPS agus meastar go bhfuil €1.8m le caitheamh fós.

(ii) Léasanna oibriúcháin

Is mar seo a leanas atá na ceangaltais a bhí le híoc ag an Údarás faoi léasanna oibriúcháin nach féidir iad a chur ar ceal:

	2024 €	2023 €
Laistigh de 1 bhliain amháin	677,131	677,131
2-5 bliana	369,793	1,046,924
Os cionn 5 bliana	-	-
iomlán	1,046,924	1,724,055

Aithnítear íocaíochtaí léasa mar chostas.

15. Cúlchistí ioncaim

	2024 €	2023 €
Cúlchiste forfheidhmithe comhlíontachta		
Amhail ag tús na bliana agus ag a deireadh	1,500,000	1,500,000
Cúlchiste ioncaim		
Ag deireadh na bliana	7,425,924	6,101,070
iomlán	8,925,924	7,601,070

16. Réiteach an bharrachais don bhliain leis an nglan-insreabhadh ó ghníomhaíochtaí oibriúcháin

	2024 €	2023 €
Barrachas/(easnamh) don bhliain	1,324,854	(60,340)
Míreanna nach míreanna oibriúcháin iad		
Ioncam airgeadais	(115,173)	(55,789)
Míreanna nach míreanna airgid iad		
Dímheas	129,399	167,969
(Méadú)/laghdú ar infháltais	292,461	212,923
Méadú/(laghdú) ar shuimeanna infíocta neamhchaipitil	(467,591)	586,323
Caillteanas ar dhiúscairt sócmhainní seasta	0	0
Glan-insreabhadh/(eis-sreabhadh) airgid de thoradh gníomhaíochtaí oibriúcháin	1,163,950	851,086

17. Anailís ar athruithe ar shreafaí airgid

Airgead tirim agus coibhéisí airgid thirim

	Amhail ar an 1 Eanáir 2024 €	Sreabhadh airgid €	Amhail ar an 31 Nollaig 2024 €
Airgead sa bhanc agus ar láimh	1,754,965	(1,058,334)	696,632
Taiscí gearrthéarmacha	4,895,689	1,114,185	6,009,874
Iomlán	6,650,654	55,851	6,706,506

18. Cur chuige cuntasafóchta i leith sochair scoir

Tá dhá scéim pinsin le sochar sainithe i bhfeidhm d'fhostaithe an Údaráis (féach nóta 1 (h) le tuilleadh sonraí a fháil).

a) Luacháil achtúireach

Choimisiúnaigh an tÚdarás luacháil achtúireach ar dhliteanais sochar scoir faoi FRS102 ag dáta an ráitis ar an staid airgeadais agus ar chostas na sochar (costais seirbhíse) a fhabhraítear i rith na bliana. Bunaíodh an luacháil sin ar an modh aonaid tionscadail, agus bhí na heochairthoimhdí airgeadais seo a leanas mar bhunphrionsabal ann (déantar comparáid le 2023):

	31 Nollaig 2024	An 31 Nollaig 2023
Ráta lascaine ¹³	3.50% in aghaidh na bliana	3.40% sa bhliain
Ráta boilscithe	2.30% in aghaidh na bliana	2.40% in aghaidh na bliana
Méaduithe ar phinsin atá á n-íoc	3.30% sa bhliain	3.40% sa bhliain
Méadú ar thuarastail inphinsin ¹⁴	3.30% p.a.	3.40% p.a.

13 Sonraítear an ráta lascaine faoi FRS102 agus tá sé bunaithe ar an bhfáltas ar bhannaí corparáideacha ardchaighdeán ar an dáta luachála.

14 Áirítear anseo liúntas i leith scálaí pá na hearnála poiblí.

Ba iad seo a leanas na príomhthoimhdí déimeagrafacha a úsáideadh chun na dliteanais sochair scoir a ríomh faoi FRS102 ag tús agus ag deireadh na tréimhse:

	31 Nollaig 2024		An 31 Nollaig 2023	
Básmhaireacht: roimh dhul ar scor	Dada		Dada	
Básmhaireacht: tar éis dul ar scor	58% (fir) de ILT15 62% (mná) de ILT15 agus feabhas amach anseo ar bhásmhaireacht á chur san áireamh		58% (fir) de ILT15 62% (mná) de ILT15 agus feabhas amach anseo ar bhásmhaireacht á chur san áireamh	
Ionchas saoil ag aois 65:	Fireannach	Baineannach	Fireannach	Baineannach
Dáta FRS:	22.4	24.7	22.3	24.6
Dáta FRS + 20 bliain:	24.7	26.7	24.5	26.6
Scor	Glactar leis go dtéann 70% díobh sin a bhfuil an rogha acu ar scor ag aois 60 bliain, agus glactar leis go dtéann na baill eile ar fad ar scor ag an ngnáth-aois scoir.		Glactar leis go dtéann 70% díobh sin a bhfuil an rogha acu ar scor ag aois 60 bliain, agus glactar leis go dtéann na baill eile ar fad ar scor ag an ngnáth-aois scoir.	
Bearna san aois	Glactar leis go bhfuil comhalta fireann 3 bliana níos sine ná a chéile agus glactar leis go bhfuil comhalta baineann 3 bliana níos óige ná a céile.		Glactar leis go bhfuil comhalta fireann 3 bliana níos sine ná a chéile agus glactar leis go bhfuil comhalta baineann 3 bliana níos óige ná a céile.	

b) Anailís ar iomlán na gcostas pinsean a gearradh ar chaiteachas

	2024 €	2023 €
Ranníocaíocht iomláin an fhostóra	1,123,331	1,055,804
Coigeartuithe d'fhostaithe ar iasacht agus aistrithe	0	0
Costas reatha na seirbhíse ¹⁵	1,468,000	1,287,000
Costas úis	1,045,000	1,023,000
Coigeartú ar mhaoiniú iarchurtha an Státhchiste	(2,513,000)	(2,310,000)
Méid iomlán a chuirtear chun dochar an ráitis ar ioncam agus caiteachas agus ar chúlchistí ioncaim coinnithe	1,123,331	1,055,804

15 Áirítear leis ranníocaíochtaí fostaithe dar suim iomlán €512,000 in 2024 agus €473,000 in 2023.

c) Gluaiseacht ar ghlandliteanas pinsin

	2024 €	2023 €
Glandliteanas pinsin ar an 1 Eanáir	29,528,000	26,362,000
Costas seirbhíse reatha	1,468,000	1,287,000
Costas úis	1,045,000	1,023,000
(Gnóthachain)/caillteanais ó thaithí ar dh- liteanais scéime	(37,000)	276,000
Athrú sna toimhdí	(603,000)	1,159,000
Sochair a íocadh i rith na bliana	(537,000)	(579,000)
Glandliteanas pinsean ar an 31 Nollaig	30,864,000	29,528,000

d) Coigeartuithe achtúireacha

	2024 €	2023 €
(Gnóthachain) / caillteanais ó thaithí ar oibleagáidí sochair scoir	(37,000)	276,000
Athrú ar na toimhdí atá mar bhunús do luach reatha d'oibleagáidí sochair scoir	(603,000)	1,159,000
Coigeartú ar mhaoiniú sochar scoir iarchurtha	640,000	(1,435,000)

e) Asbhaintí agus ranníocaíochtaí aoisliúntais

Is mar seo a leanas a bhí iomlán na n-asbhaintí agus na ranníocaíochtaí aoisliúntais a rinneadh leis an Roinn Coimirce Sóisialaí agus leis an Roinn Caiteachais Phoiblí, Sheachadadh PFN agus Athchóirithe:

	2024 €	2023 €
Gnáth-ranníocaíochtaí an fhostóra	1,123,331	1,057,297
Gnáth-ranníocaíochtaí an fhostaí ¹⁶	306,028	286,271
Ranníocaíocht Aoisliúntais Bhreise	206,066	187,208
Iomlán	1,635,425	1,530,776

16 Áirítear le ranníocaíochtaí fostaithe in 2024 €4,249 (2023 €10,542) i leith seirbhís bharúlach arna ceannach.

Miondealú ar íoc asbhaintí pinsean

Tá miondealú sa tábla thíos ar íocaíochtaí na n-asbhaintí pinsean.

	2024 €	2023 €
AN ROINN COIMIRCE SÓISIALAÍ:		
Gnáth-ranníocaíochtaí an fhostóra	593,399	603,619
Gnáth-ranníocaíochtaí an fhostaí	128,721	134,989
Ranníocaíocht Aoisliúntais Bhreise	206,066	187,208
RCPSPFNA:		
Gnáth-ranníocaíochtaí an fhostóra	529,932	453,678
Gnáth-ranníocaíochtaí an fhostaí	177,307	151,282
Iomlán	1,635,425	1,530,776

f) Fáltais agus íocaíochtaí Aoisliúntais

	2024 €	2023 €
Deontas stáit i leith íocaíochtaí pinsin ¹⁷	470,064	423,894
Sochair aoisliúntais íochta	(470,064)	(423,894)

19. Nochtadh idirbheart

Tá Cód Cleachtais um Iompar Gnó i bhfeidhm ag an Údarás i leith comhaltaí dá chuid de réir an Chóid Cleachtais um Rialachas Comhlachtaí Stáit. Cuimsítear leis an gCód um Iompar Gnó treoir maidir le nochtadh leasanna ag comhaltaí an Údaráis, agus chloígh an tÚdarás leis na nósanna imeachta seo le linn na bliana atá cuimsithe sna ráitis airgeadais seo. Ní dhearnadh aon idirbheart airgeadais in 2024 le comhaltaí an Údaráis ach amháin na táillí Údaráis atá mionsonraithe i nóta 5 a íoc.

20. Cánachas

Tá an tÚdarás díolmhaithe ón gCáin Chorporáide de réir Alt 220 den Acht Comhdhlúite Cánacha, 1997.

21. Imeachtaí ina dhiaidh sin

Níor tharla aon teagmhais idir an dáta tuairiscithe agus an dáta ar faomhadh na ráitis airgeadais seo lena n-eisiúint lena n-éilítear coigeartú a dhéanamh ar na ráitis airgeadais.

22. Figiúirí comparáideacha

Tá leasú déanta ar na figiúirí comparáideacha chun aicmí na bliana reatha a léiriú. Níl aon tionchar aige sin ar an mbarrachas a tuairiscíodh le haghaidh 2023.

23. Faomhadh na ráiteas airgeadais

D'fhaomh comhaltaí an Údaráis na ráitis airgeadais ar an 17 Meitheamh 2025.

17 Vóta 37 na Roinne Coimirce Sóisialaí, fo-cheannteideal A43.2.

An tÚdarás Pinsean
Teach Verschoyle
28/30 Sráid an Mhóta Íochtarach
Baile Átha Cliath 2
DO2 KX27

Teileafón: (01) 613 1900
www.pensionsauthority.ie

ISSN 1649 8690